



सानसेयारि 'बड'सा' खीरालाइयाव  
अनाज्यादि जिउजो लोब्बा थानाय रायथाय, खन्थाय,  
सल', सल'बाथा आरो दावबायारि थार्वनि, पार्क  
बाइदिनि स्यायव लिन्नाय लिन्बिबां दैथाय हर/  
सानसेयारि 'बड'सा' खीरालाइया सेबखानावै  
फोसावगोब।  
बड'सायव लिन्हरनायनि हुदा खालाम,  
'बड'सा' खी नौथा, जो बयबो आंगो खालाम।  
सानसेयारि बड'सा मावखुलि  
माइबं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Monday ★ 8 January, 2024 Kokrajhar, BTC, Assam ★ Vol.- 33, Issue No. 283 ★ R.N.I. Regd. No. 40994/91, Assam Govt. Regd.No.IPRD.40/2006/3, ★ Rs.8/-

## गिबि मन्थिआ दुलाराय आसाम कालवार समाज महासभायाव बाहागो लादों

कालवार समाजआ आसामनि समाजारि जिउनि मोनसे गोनांथार बाहागो: गिबि मन्थि

दिसपुर, 7 जानुवारि: कालवार समाजआ आसामनि समाजारि जिउनि मोनसे गोनांथार बाहागो। आसाम बिथारखो गोहो गोरा खालामनारनि बेलायाव कालवार समाजनि बिफावआ गोबां दड। राइज्योनि जौगानायाव गोबां बिफाव लानायखो नोजोर होनाने आसाम सरकारआ जेब्लायबो कालवार समाजनि समाजारि-रांखान्थि, सोलोथायारि आरो हरिमुआरि बिथिफोरखो सिगांथि लानो बिबान दड। दिने सनिनपुरनि मुंखं नोगोर डेकियाजुलियाव



खुनाय दुलाराय आसाम कालवार समाजनि ब्रैथि बोसोरारि जथुमायाव गाहाइ आलासि महरै हाबागो लानाने वे बाश्राखो बुंदों गिबि मन्थि ँ हिमन्त बिश्व शर्माया। गिबि मन्थिआ बुंदोंदि, कालवार समाजआ भारतनि हरिमुआरि आरो समाजारि जिउ राहाखो गोखों खालामनायाव मोनसे बेसेन गोसा जारिमिन दड; जाय गोदो-गोदायनि भारतनि गाहाइ थाखोनि समाजारि आरो हरिमुआरि थाखानि दैदेनग्रा, (□ 5 बिलाइआव)

## कक्राझारआव आसाम हरिमुआरि जांखिथाइमाया जाफुंसारै जोबलांबाय



कक्राझार, 7 जानुवारि: बिटिआरनि गाहाइ सदर सहर कक्राझार सोनाब फारसे साखाथियाव थानाय चान्दामारिनि बड'फा काल्वारेल कमप्लेक्सनिफ्राय जागायजेनाय जिल्ला थाखोनि आसाम हरिमुआरि जांखिथाइमाया साननैनि हाबाफारिजों दिने

25-35 बोसोरनि बाहागोआव सा 32 बादायगिरिफोरा बाहागो लादोंमोन। गुबुन फारसेथि 12-18 बोसोर बेसोनि खोन्दोआव मोन द' बिहु मोसाप्रा हान्जाफोरा बाहागो लादोंमोन आरो मोन गु हान्जाया गुबुन गुबुन हरिसायारि मोसानायफोराव बाहागो लादोंमोन। 25-35 बोसोर बेसोनि थाखोआव बिष्णु राभा द'खोआव हिमिका देबिआ (सेथि), रतेश्वर नाजारिआ (नैथि) आरो सन्जब कलिताया (थामथि) सारियाव देरहासार (□ 5 बिलाइआव)

## कक्राझारआव सरकारि नडै फसंथान रेइनब 'नि बान्जायनायाव बेसेन नाडै फाहामथाय बादा खुंदों



कक्राझार, 7 जानुवारि: बावैसो समफोराव गोगो सावस्त्रि बिफाननि बान्जायनाय हिसाबै थाना थानाया मोनसे जेना जानायनि सायाव नोजोर होनाने दिने कक्राझारआव मोनसे बेसेन नाडै फाहामथाय बादा खुनाय जादों। कक्राझार सहरनि बि पि सि एम बेबिलेन्ड इंग्लिश मेडियाम गोजो फरायसालियाव सरकारि नडै फसंथान रेइनब 'नि बान्जायनायाव बेसेन नाडै फाहामथाय बादा खुनाय जादों। दिनेनि बे बेसेननाडै (□ 5 बिलाइआव)

## चिरां जिल्ला एबसु आरो काजलगाव दख 'रा एबसुनि 19 थि थान्दै ज 'खन्थाइया खुंजाबाय

एबसुआ आफादनि थाखानाय थांखि आरो संबिधानखो बिथा खालामनानेनो  
बर' माहारिनि थाखाय अराय खामानि मावलांगोन: दिपेन बर'

काजलगाव, 7 जानुवारि: सिरां जिल्ला दुलाराय बर' फरायसा आफाद आरो काजलगाव दख 'रा दुलाराय बर' फरायसा आफादनि 19 थान्दै जखन्थायआ साननैनि मेहेर गोनां हाबाफारिजों जोबलांबाय। 6 आरो 7 जानुवारि, 2024 इ अक्टखालि जिल्लानि सिखव थानाय बांगालदबानि बड'सा नोगोराव खुंफुनाय बे थान्दै जखन्थायनि मैया गिबि सानखालि आइजोफोरनि



काब्बाडि बादायलायनाय, हौवाफोरनि भलिबल बादायलायनाय आरो

जोबलांबायनि उनाव दिने नैथि साननि हाबाफारि बायदिथै फु'बिलि समाव आफादनि गोथार फिरफिला बिरहोनाय, मुंखल'फोरनो मान बाउनाय बायदि हाबाफारिया जोबनायनि उनाव बेलासि समाव सिरां जिल्ला एबसुनि आफादगिरि दिलीप कुमार बसुमतारिनि मासि लानाने दैदेननाय गोवलां मेलखो बेखेवनाने होयो दुलाराय बर' फरायसा आफादनि (□ 5 बिलाइआव)



सालबारि, 7 जानुवारि: बाक्स जिल्लानि सिखव थानाय बारोपेटनि सासे 20 बोसोर बेसोनि संगिता दास मुनि हिन्जावसाया मेगनि बेरामजों नाखेबजानाने थानायनि खौरांखो मोनाने दिने बि पि एफ दोलोनि लाइमोन दैदेनगिरि कास्तम बसुमतारिनि दैदेननायाव बि पि एफ दोलोनि मोनसे थान्दै हान्जाया खौरां लाहैनायजों लोगोसे रांखान्थि अन्सुंथाइ गथायदों। साननैसो सिगां खौरां बिजोंफोराव फोसावनायखो (□ 5 बिलाइआव)

## जोनोम जाजेन्नायनिफ्रायनो खौसेथि बर' सुबुं आफादआ बिटिसिनि बाइजोनि 10 लाख बर' फोरनि रांखान्थि आरो सोलोथाइ जौगाथाय आरो समाजनि थाखाय खामानि मावबोबाय थादों: मनरन्जन बसुमतारि

सिमेन सापरि, 7 जानुवारि: धेमाजि जिल्लानि सिमेन सापरिआव थानाय धेमाजि जिल्ला खौसेथि बर' सुबुं आफादनि गाहाइ मावखुलियाव दिने मोनसे समायखिरा लानाय हाबाफारि जानाने थाडे। बे हाबाफारियावो गोदाने बिबान मोन्नाय दैदेनगिरिफोरा समायखिरा लायो। मख 'जाथावदि, धेमाजि जिल्ला खौसेथि बर' सुबुं आफादनि गोदान मावफुं आफादखो थानाय 2023 माइथारनि 16 आरो 17 डिसेम्बर खालाराव मिमां



नोलोबारियाव खुंफुजानाय 5थि नै बोसोरारि जथुमायाव दाफुनाने लानाय जादोंमोन। धेमाजि जिल्ला इडबिपिअनि

आफादगिरि रातिराम बसुमतारिनि मासि सामलायनायाव जानाय मेलनि थांखिखो आफादनि गाहाइ

नेहाथारि दिपांकर नाजारिआ बेखेवनाने होयो। बे मेलआव इडबिपिअनि आफादगिरि (□ 5 बिलाइआव)

## बर' थुनलाइ आफादनि 18थि बोसोरारि जथुमाया बाक्सानि साउदरभिताआव साननैनि हाबाफारिजों खुंफुंजाबाय

## गुन उत्सवआव बर' बिजोंनि फरायसाफोरनि थाखाय इंगजि सौंथि बिलाइ सेबखानाया दुखुनांथाव जादों: निल'कान्त गयारि

सालबारि, 7 जानुवारि : सालबारि जिल्ला बर' थुनलाइ आफादनि 18थि बोसोरारि जथुमाया बाक्स जिल्लानि सालबारि महकुमानि सिखव थानाय साउदरभितायाव साननैनि हाबाफारिजों खुंफुंजालांबाय। 6 आरो 7 जानुवारि खालि साननैनि हाबाफारिजों साउदरभिताआव खुंजानाय बोसोरसालिया



जथुम्मानि जोबनाय फोरबोजों लोब्बा लाखिनाने दिने फिरफिला बिरहोनाय, बिफां गायनाय, मुंखल'नो बाउनाय,

मान बाउनाय फोरबो, लाइसि बेखेवनाय, मान बाउनाय हाबाफारि, कवि सम्मेलन आरो मोनसे गोवलां मेल खुनाय (□ 5 बिलाइआव)

जायो। सालबारि जिल्ला बर' थुनलाइ आफादनि आफादगिरि दुम्बरुधर बसुमतारिनि मासि सामलायनाय गोवलां मेलाव मेलनि थांखिखो सालबारि जिल्ला बर' थुनलाइ आफादनि नेहाथारि बिक्रम बसुमतारिया बेखेवनाने होयो। बागुरुम्बा मोसानायजों जागायजेनाय गोवलां मेलाव आलासिफोरखो सिनायथिनाय आरो मान बाउनाय हाबाफारि लानाय (□ 5 बिलाइआव)

## सालबारियाव बेसेन नाडै-मेगन आन्जाद नायनाय बादा खुंदों



भबानिपुर, 7 जानुवारि: बिटिआरनि सालबारि बिबाबनि मुंदांखा समाज सिबियारि काजल चौधुरि, सालबारि टिसिएलसिसिनि मासिगिरि बिनद मोसाहारि आरो इडपिपिएलनि लाइमोन गांखनि सालबारि ब्लक कमिटिनि दैदेननायाव दिने सालबारि भिसिडिसिनि मावख'आव सानसेनि हाबाफारिजों बेसेन नाडै मेगन आन्जाद नायनाय बादा खुनाय जायो। नोजोर होनोगोनादि, बेसेन नाडै मेगन आन्जाद नायनाय बादाखो गुवाहाटीनि श्रीशंकरदेव नेत्रालयनि डक्टरफोरा सामलायदोंमोन। (□ 5 बिलाइआव)

## राइज्यो बेंगिरिया लाइभस्टक एन्ड पल्ट्री श्व-2024 नि जोबनाय फोर्बआव बाहागो लादों

गुवाहाटी, 7 जानुवारि: आसामनि राइज्यो बेंगिरि गुलाब चान्द कटारियाआ दिने खानापारनि फार्म गेट गेलेग्रा फोथाराव खुनाय लाइभस्टक एन्ड पल्ट्री श्व-2024 नि जोबनाय हाबाफारियाव बाहागो लायो आरो स्टेकहल्डरफोरखो गावसोरनि आयनि बांनयनि थाखाय सरकारि बिथारिफोरनि मुलाम्फाफोर खौ लानो खावलायो। बे फालिथाइयाव गाहाइ आलासि काटारियाआ गावनि बिबुंथिआव फोरमायदोंदि, राइज्योनि जि.डि.पि.आव आबाद आरो



सोमोन्दोगोनां सेक्टरनि बिहोमायाव 19.89 जौखोन्दो, जायनि गेजेराव खालि जिब-जुनार आरो दाव फिसिनाय सेक्टराल' 5.30 जौखोन्दो

बिहोमा होयो। आसाम सरकारा राइज्योनि सिखव गायखेर, बेदर आरो दावदैन गोनांथिखो आबुं खालामनो थाखाय जायगानि (□ 5 बिलाइआव)

## बोखावजायै लक्षिमपुर जिल्ला' ब्रह्म दोहोरोम आफादनि सनाथि माइथाय फालिथाइया खुंजाबाय खमैबो 8 रोजा सिबियारिफोरा बाहागो लादों

सिमेन सापरि, 7 जानुवारि: धेमाजि जिल्लानि सान्जारि नोगोर सिमेन सापरि सनाफुर गामिनि सनापुर ब्रह्म सेवा आश्रमाव खुंफुनाय बोखावजायै लक्षिमपुर जिल्ला ब्रह्म दोहोरोम आफादनि सनाथि माइथाय फोर्बो फालिथायजों लोगोसे बोखावजायै लक्षिमपुर जिल्ला ब्रह्म दोहोरोम लाइमोन आफादनि 20थि बोसोरारि जथुमा, बोखावजायै लक्षिमपुर जिल्ला ब्रह्म दोहोरोम लाइमोन आफाद खुंगा 8थि बोसोरारि



जथुमा बोखावजायै लक्षिमपुर जिल्ला ब्रह्म दोहोरोम आइजो आफाद लोगोसे खुंगा 51थि बोसोरारि जथुमा सिमेन दख 'रा

ब्रह्म दोहोरोम आफाद, खुंगा 18थि बोसोरारि जथुमा सिमेन दख 'रा ब्रह्म दोहोरोम लाइमोन (□ 5 बिलाइआव)

**सुजुगिरिनि खोलोम**

**हान्था-मेलानि गोदान आइन्**

दासान्दि हान्था-मेलानि सायाव गोदान आइन् लाबोनायनि रहा लानायखौ हेंथा खालामनानै हादतनाडेनो हरताल, बन्द फोसावनाय नुनो मोन्नाय जादों। गुबैयै मिरु सरकारआ हिट एन्ड रान आइन्नि सायाव सोदानाय लाबोनायनि हेंथायैनो ड्राइभर आफादफोर साक्काजाम फोसावनानै बे सोदानाय आइन्नि हेंथायै खुद्रिखानाय दिन्धिदों। हिट एन्ड रानआ सोदानाय लामानि जाब्रवथायजों सोमोन्दो गोनां। बेनि ऑथिया गोखैथार आरो सांग्रांथि गैयै गारि सालायनाय समाव सोरबा सुबुं आरो सम्पति खहा खालामनानै खारखुमा लानाय जाथायखौ फोरमानाय जादों। बिब्दि जाथायफोर सोमजियोव्ला फोरमान आरो नोजोर खालामग्रानि आंखालाव दायनिगिरिखौ हमनानै साजा होनायाव गोब्राब जेना फैयो। बेराफारसै गोखैथार आरो सांग्रांथि गैथारै गारि सालायनायजों जोखोम जानाय सुबुं एबा खहा जानाय सम्पतिनि सायाव खहा सुफुंथाय होनाय आरो थार बिजिरनाय होनायनि लामा होनो आरो दायनिगिरिनि सायाव गोनांथि बादियै साजा होनायनि बे गोदान आइन्खौ लाबोनायनि गोनांथि होदों। हिट एन्ड रान एबा जाथाय खालामनानै खारखोमायोव्ला साजाया गोखौंसिन जानाय बेराफारसै जाथायाव जोखोम जानाय सुबुंखौ बोखानानै फाहमथायनि रहा खालामोव्ला दाय गुरुं जागोननि बाश्ना बुंनय जादों।

मिबथिनाय बादियै हिट एन्ड रान आइन्नि बयनिखुदो गोनांसिन जेनाया दायनिगिरिनि हेंथायै रोखा फोरमान होनो हायाव्ला नायबिजिरनायाव हेंथा फैयो आरो दायनिगिरिखौ नागिरनानै हमनायाव गोब्राब जायो। जाउनाव गोब्राथार दायनिगिरिफोर दायनिफ्राय बारग'नायनि लामा मोनो आरो खायफाया हमजानायखौबो नुनो मोन्नाय जायो।

रोगाथाय बिफाननि फोसावथाय बादियै हादतआव हिट एन्ड रानजों लामा जाब्रवथायनि अन्जिमाया सानफा-एफा बांबोनो हमदों। बिफाननि बादियै थानाय 2020 माइथायनि गेजेरव खेब 52,448 हिट एन्ड रान जाथाय सोमजिदोंमोन आरो बे जाथायजों सा 23,159 सुबुंफोर जिउ गोमानादोंमोन। बेनि बोसोरसे उनाव थामहिनबा 2021 माइथायावबो खेब 57,415 हिट एन्ड रान जाथाय सोमजिनानै सा 25,938 सुबुंफोरनि जिउ गोमानाय जाथाय सोमजिदों। आधिखाल आइन्खौ नोजोर खालामोव्ला बेनि अन्जिमायाव सोलायनाय फैगोन होनानै सान्नाय सौफैदों। जाब्रवथायनि अन्जिमायाव बाडाय खालामनाय आरो जाथायफोरखौ सामलायनायावबो हेफाजाब फैगोन होनानै सान्नाय हायो। लामानि फिसा-फिसा जाथायफोरबो आधिखाल समाव दावबायारि सुबुंफोरखौ लानानै हाथाय-बाजार खालामनाय, फरायसालि, मावखुलिफोराव थानाय सुबुंफोरखौ सम सम जेनायाव खोखलैनाय नुनो मोन्नाय जायो। बेफोर जाथायफोरबो सोदानाय गोदान आइन्नि गेजेरजों सोलायनाय एबा सामलायथायाव फैगोन होनानै मिजिं थिनो हागौ।

**दिनैनि फान्जामुधि**

**राशि बाइदियै मुनि गिबि हांखो**  
**मेघ :** अ ल **बुध :** ऊ ब (उ ए इ) **मिथुन :** क छ (ड घ)  
**कर्कट :** ड ह **सिंह :** म ट **कन्या :** प ठ (ण ष)  
**तुला :** त र **वृश्चिक :** ब न **धनु :** ध भ (ङ फ)  
**मकर :** ख ज **कुम्भ :** ग श (स) **मीन :** द च (ख ज झ)

- मेघ:** मोजां रंग्थि जानो हानायनि थाखाय मान मोनो हागोन। गोजोन्नायनि बाश्ना मोनो हागौ।
- बुध:** खामानि-दामानि मावनायजों मुखुब जानानै थानांगोन। गोसोखौ हमथानानै सोलिनांगोन।
- मिथुन:** रंग्थिनि थाखाय मान बावजानो मोनगोन। गोजोन्नायखौ मोनगोन।
- कर्कट:** जेखि बादाया बे राशिनि थाखाय गाहाम सान। देहहासार जानो हागोन। मोजां सान।
- सिंह:** फालांगि मावनायाव रंखावरि ख'हा जानो हागौ। सांग्राडै मावनांगोन।
- कन्या:** जेखि मावा फालांगिआव रंखावरि मुलाम्फा मोनो हागोन। गोजोन मोनगोन।
- तुला:** मानिबा थाखाय रंखावरि ख'सा जानो हागौ। थाखानाय रंआ जोबसांगोन।
- वृश्चिक:** बहावा दावबायनानै गोजोन्नाय लानो हागोन। दिनैनि सानआ मोजां।
- धनु:** जेरावबो गोहो-बोलो मोनो हागोन। नख'रसा जौगानाय फैगोन। मोजां सान।
- मकर:** गोसोफोर मानोबा अहंकार जालानो हागौ। जेनायाव गोग्लैनो हागौ।
- कुम्भ:** खामानि मावफुंनो हानानै गोसोखौ गोजोन मोनगोन। मोजां सान।
- मीन:** नख'र संसार जानायाव गोजोन्नाय गैयै सोमजिनो हागौ। गोसो हमथानानै थानांगोन।

**अयध्याआव राम मन्दिरखौ बेखेवनायनि सिगां एआइ सिस्टिभि केमेरा लागायदों**

अयध्या, 7 जानुवारी : अयध्याआव फेगौ 22 जानुवारीखालि राम मन्दिरखौ गाजा-गोमजायै बेखेवगोन। बेनि सिगां मन्दिरनि खाथि-खाला ओन्सोलफोराव आर्टिफिसियल एन्टिलिजेन्स (एआइ) जों सामलायजानाय सिस्टिभि के मेराफोरखौ लागायनाय जादों। बे फोर्बोआव गोबां अन्जिमायाव सुबुंफोर लैहोर-लैहोर बाहागो लाहैगोन होन्ना आसा खालामनाय जादों। सासे गागि पुलिस बिबानगिरिया बेफोर बाश्नाखौ बुंदों, लक्ष्मै जननि एडिजि पिपुष मडियाआ खौरांआव बुंदों, पुलिस खुंथाया थानाय शनिबाराव जानो गोनां प्राण प्रतिष्ठा एप बेखेवनाय हाबाफारिनि सोमोन्दै राम जोनोम हानि धोरामानि



दावबायग्रा ओन्सोलनि गाहाइ नेहाथारि चंपत रायजों जथुमा खालामो। अयध्या पुलिसा जानो गोनां फोर्बोनि बागै, श्री राम जम्मभूमि ट्रास्टनि बिबानगिरिफोरजों मोनसे जथुमा खालामो। बेनि थांखिया हाबाफारिफोरखौ गाजा-गोमजायै जाफुंसार होलांनयनिमोन। गासै जिल्लाआव राम मन्दिरनि खाथि-खाला ओन्सोलफोर आरो टेन्ट सिस्टिआव आर्टिफिसियल इन्टिलिजेन्सजों सरजाबनाय सिस्टिभि जागायनाय जादों। गाहाइ मन्थि नरेन्द्र मदिआ 22 जानुवारीखौ राम मन्दिरनि प्राण

आलासिफोरखौ अयध्याआव बे शुभ खावुआव बाहागो लानायनि थाखाय हांखायहरनाय जादों। अयध्याआव राम लला (शिशु भगवान राम) नि फोर्बोनि थाखाय बैदिक हाबाफारिखौ गाहाइ हाबाफारिनि 1 सुप्ताह सिगां 16 जानुवारीनिफ्राय जागायनाय जागोन। बाराणसीनि सासे पुजारी लक्ष्मैकान्त दिक्षितआ 22 जानुवारीयाव राम मन्दिर ललानि अभिषेक फोर्बोनि गाहाइ हाबाफारिखौ मावफुं'गोन। फेगौ 14 जानुवारीनिफ्राय 22 जानुवारीसिम अयध्याआव अमृत महात्सभ फालिनाय जागोन। बे खावुआव 1008 हुन्डी महायज्ञबो खालामनाय जागोन।

**आदित्य एल-1 आ भारतनि थाखायल' नडा बेयो गासै मुलुगानि थाखाय: इसर'नि गाहाइ एस समनाथ**



बेंगालुरु, 7 जानुवारी : भारतयारि अख्रामा संदानग्रा आफाद (इसर') आ आदित्य एल-1 अख्रामा यानखौ बेनि जोबथा डेस्टिनेशन क्लासआव दोनहरनायनि दसे उनाव इसर'नि

गाहाइ एस समनाथआ बुडोदि, बे मख'जाथाव मिशनआ भारतनि थाखायल' नडा, गासै मुलुगानि थाखायनो। शनिबाराव बिथाडा खौरांगिरिफोरनि सिगाडाव बुंबावोदि, मुलुगानि जों बयबो बेनि बिगियानारि गोनांथिखौ बुजिनो आरो बाहायनायनि थाखाय म ख'जा था व। बिगियानगिरिफोरा गोबां सोलाय-सोल' एबा

फोसावनादों, जाहाथे अख्रामा यानखौ थि पइन्टआव दोनहरनो हायो। समनाथआ बुंबावोदि, शनिबाराव बुंदोंदि, बे साननि हाबाफारिया आदित्य एल-1 खौ थि रोखोमै हाल' अर्बिटआव दोनहरनायमोन। बेयो मोनसे हाइ अर्बिटनि फारसे आवगायलांगसिनो। नाथाय गावसोर बेखौ थि जायगायाव दोनहरनायनि थाखाय एसे गोब्राबै नाजानादों। जुदि बेयाव फोसावनाय लाबोयामोनबा बेयो बे पइन्टनिफ्राय दोरोदलांगोमोन। बेखौ गावसोर इसेबो दोरोदलांहोनो हानाय नडा। बेनिखायनो गावसोर जोबोद सांग्राडै मावदों।

**2024 नि आइटिआर फाइल खालामनायनि थियारि सोलिगासिनो दड'**



गोदान दिल्ली, 7 जानुवारी : भारतनि गासै नोगोरारिफोर बोसोरफोमबो टेक्स रिटर्न होनांगौ जायो। रिटारमेलनि बिथिडव पेन्शन, ग्रेच्युटि आरो मावसुमाफोरा इयुनिनैम-खान्थिनि सायाव टेक्स होनांगौ जायो। सरकार आरो सरकार नडै मावसुमाफोरनि थाखाय टेक्सेशन प्रसेसआ आलादा-आलादा। रिटारामेन्टनि समाव गासै जमा रंखौ मोनोव्ला बेयो सरकार मावसुमाफोरनि थाखाय आबुडै उदां। फारसेथिं सरकार नडै मावसुमा, जायफोरा ग्रेच्युटि रंखौ खमायनानै 100 जौखोन्दो पेन्शन मोनो, बिसोर गासै रंनि 50 जौखोन्दोआव टेक्स होनांगौ जायो। आद्रा थानाय 50 जौखोन्दो आयफोरनिफ्राय रेहाय जायो। गावयारि बिथिनि मावसुमाया ग्रेच्युटिजों लोगोसे 100 जौखोन्दो पेन्शन मोनोव्ला थाम बाहागोनि 1 बाहागोखौ रेहाय मोनो। सरकार मावसुमाफोरनो रिटारामेन्टनि समाव मोनो गोनां ग्रेच्युटि धोननि सायाव शुटनिफ्राय आबुडै रेहाय होनाय जायो। सरकार नडै मावसुमाफोरनि थाखाय टेक्सेशन प्रसेसनि मोननै रोखोमनि जायो। रिटारामेन्ट बेनेफिडसनि थाखाय आइडिआर फाइल खालामनांगौ जायो। बेनि थाखाय पेन्शन स्टेटमेन्ट आरो फर्म 16 बायदि डिकउमेन्टनि गोनांथि जायो। रिटारामेन्ट बेनेफिडसआव माखासे दावख्तायनाय आरो रेहायफोरबो दड। बेजों लोगोसे टेक्सनि बइखौ माखासे खम खालामनो हागोन।

**राजनाथ सिंहआ ब्रिटेनआव दावबायनो थारवाय 8 जानुवारियाव औरवारगोन**

गोदान दिल्ली, 7 जानुवारि : रैखाथि मन्थि राजनाथ सिंहआ समबानिफ्राय ब्रिटेनआव 3 सान दावबायहैसिमोन। रैखाथिनि बिथिडव पार्टनर शिपनि थाखाय बे दावबायनायखौ गोबां मख'जाथाव मानिनाय जादों। बेनि अनगायै 22 बोसोरव गिबि खेब भारतनि रैखाथि मन्थिया ब्रिटेनआव दावबायनो थानगोन। मख'नो गोनांदि, 2022 नि जुन दानआव सिं'हनि ब्रिटेन दावबायनायखौ भारतीय हान्जाया प्रटकलनि जाहोनफोरनि गेजेरजों दोन्थ'नाय जादोंमोन। 3 साननि दावबायनाय समाव राजनाथ सिंहआ गावनिनो समान थाखायनि इउकेनि रैखाथि नेहाथारि ग्रान्ट शाप्शनजों लोगोसे जर'खा



बाश्ना सावरायगोन। आसा खालामनाय बायदिक्ला सिंहआ फर्मैल गाई अफ अनारनि सायाव नायबिजिरगोन। लन्डलआव बिबो महात्मा गान्धी आरो ड'बि. आर आम्बेदकारनि गोसोखां खाम्फायावबो दावबायनो हागौ। राजनाथ सिंहजों लोगोसे रैखाथि मावख'नि मोनसे गोजौ थाखोसिम थान्दै आफादआबो

लोगोसे जथुमा खुंनयनिबो आसा दड। बियो इउके रैखाथि उद्यगनि सिइअ आरो उद्यग मुलुगानि दैदेनगिरिफोरजोंबो बाश्ना सावरायगोन आरो बेवहाय भारतीय हान्जाजों लोगो हमगोन।

**मार्केटआव मटरसाइकेलआ जौगाखांगसिनो दड'**

गोदान दिल्ली, 7 जानुवारि: थानाय बोसोरा साखा खवनै सेगमेन्टनि थाखाय जौगाखां महरै फोरमान जायो आरो आधिखालाव बे बोसोरावबो बे सेगमेन्टनि थाखाय गोदान मिजिंफोर लानानै फैगोन। बे बोसोराव गोबां साखा खवनै गारिफोरखौ लन्च खालामनाय जागोन। जों बेयाव बेबायदि



गारिफोरनि लिस्टखौ लानानै फैदों, जायफोरखौ बे बोसोराव भारतआव लन्च खालामनाय जागोन। बे फारिलाइयाव यामाहा आरो हन्डा बायदि कम्पनीफोरनि बाइकआबो दंफायो। यामाहानि गेजेरजों बे बाइकखौ इयुनाव दिन्थिनयखौ लानानै बुंनय जादोंदि, कम्पनीया दासान्दि बेनि सायाव गोखैयै खामानि मावगासिनो दड'। बे बाइकखौ फेगौ 15 जानुवारियाव लन्च खालामनो हागौ। रिपर्टनि बायदिक्ला, बे बाइकआव 999 सिंसिनि इन्जिन होनाय जागोन, जाय 200 पिपेसनि गोहो सोमजिहोनायाव जाफुंसारगोन। रयेल इन्फिडआबो दासान्दि मोनसे बाइकनि सायाव खामानि मावगासिनो दड। शटगान 650 बाइकखौ मार्च दानाव लन्च खालामनो हागौ। बेनि थाखाय 30 मार्चनि अक्टखौ ति खालामनाय जादों। रिपर्टनि बायदिक्ला, बेयाव 648 सिंसिनि इन्जिन होनाय जागोन। यामाहानि आपकामिं बाइकनि फारिलाइयाव एक्स एस आर 125 आबो दंफायो। बेयाव 124 सिंसिनि इन्जिन होनाय जागोन। बे बाइकआव जाय इन्जिनखौ होनाय जागोन, बेयो 14.9 पिपेसनि गोहो सोमजिहोनाय। बे बाइकनि एन्ट्रिआ मार्च दानाव जागोन। बेराफारसे हन्डनि बाइकआ मार्च दानाव लन्च जानो हागौ आरो बेयाव 149 सिंसिनि इन्जिन मोनयनि आसा दड'।

**पेट्रल-डिजेलनि बेसेननि सायाव थाव कम्पनीफोरा आपडेट फोसावदों**

गोदान दिल्ली, 7 जानुवारी : दिनै रबिबवार 7 जानुवारीयाव सरकारि थाव कम्पनीफोरा पेट्रल आरो डिजेलनि गोदान बेसेनखौ फोसावना होदों। अदेबानि बेयाव जेबो सोलायनायखौ नुनो मोनाखै। गोदान आपडेटनि बायदिक्ला राजथावनियाव 1 लिटर पेट्रलनि बेसेना 96.72 रं आरो डिजेलआ 89.62 रंआव फानजादों। बेनिफ्राय मुम्बाइआव लिटरफोम पेट्रलनि बेसेना 106.31 रं आरो डिजेलनि बेसेना 94.27 रं, कलकातायाव पेट्रलआ 106.03 रं आरो डिजेलआ 92.76 रं, चेन्नायआव पेट्रलनि बेसेना 102.63 रं आरो डिजेलआ 94.24 रं, नएडयाव पेट्रलआ 96.79 रं आरो डिजेलआ 89.96 रं, गुरुग्रामआव पेट्रलआ 97.10 रं आरो डिजेलआ 89.96 रं थि खालामजादों। फारसेथिं बेंगालुरुआव पेट्रलआ लिटरआव 101.94 रं आरो डिजेलआ 87.89 रं रं, लक्ष्मैआव पेट्रलआ 96.57 रं आरो डिजेलआ 89.76 रं थि चन्डिगडुआव पेट्रलआ 96.20 रं, डिजेलआ 84.26 रं,



हाइड्राबादआव पेट्रलआ 109.66 आरो डिजेलआ 97.82 रं, जयपुराव पेट्रलआ 108.48 रं आरो डिजेलआ 93.72 रं, पाटनायाव पेट्रलआ 107.30 रं आरो डिजेलआ 94.04 रं, लक्ष्मैआव पेट्रलआ 96.57 रं आरो डिजेलआ 89.76 रं थि खालामजादों।

## सासे आबादारिनि फिसाजोआ आदित्य एल 1 मिशननि कामानखौ सामलायदों

गोदान दिल्ली, 7 जानेवारी: भारतयारि अखांमा संदानग्रा फसंथान (इसर) आ समजों लोगोसे बिगियान आरो अखांमानि मुलुगाव आवगायगासिनो दड। चन्द्रयान-3 निफ्राय लानाने आदित्य एल 1 मिशनसिमखौ मुलुगनि सिगाडाव दिन्थिनाने भारतआ जारिमिन सोरजिदों। सानखौ नाइबिजिरा गिबि अखांमा मिशनआ मुलुगनिफ्राय गासै 15 लाख किल 'मिटर गोजान 'लेप्रेन्ड 'व्हाइन्ट 1' याव जाफुंसारे सौहैयो। आथिखालाव आदित्य एल 1 आ बुहुमनिफ्राय गासै 15 लाख किल 'मिटर गोजानाव थानाने सानखौ सूर्य नमस्कार खालामगोन। इसरनि बे प्रजेक्टखौ सासे आइजोनि दैदेन्नायाव खालामगोसिनो दड, जायनि मुड निगार शाजि। सूर्य मिशननि कामान सामलायनाय निगारखौ बे समाव मुलुग नाइ सावरायगासिनो दड'। बियो इसरआव प्रजेक्ट डायरेक्टरनि मासियाव दड'। जेब्लाबो मिनिबालायै थारा



निगारआ सूर्य मिशनखौ जाफुंसार खालामनो थाखाय गावनि टीमजों लोगोसे हाबाफोर मावदोंमोन। थानाय 1987 याव निगार शाजिआ इसरआव हावदोंमोन। खस्ट खालामनायजों लोगोसे आवगायनायने बियो भारतनि गिबि सौर मिशन बिथांखिनि बिथोनगिरि जायो। 59 बोसोर बैसोनि शाजिआ सिगाडाव रिसर्ससेट-2 एनि हेफाजाबगिरि बिथांखिनि बिथोनगिरिमोन। बियो लआर अर्बिट आरो प्लेनेटेरी मिशननि थाखाय

प्रगम डायरेक्टरबो। इसरआव बिथांनि हाबा मावनाय समा श्रीहरिकता अखांमा जाहाज गाथोनाव खामानि मावनायने जागायदोंमोन। श्रीहरिकता अखांमा जाहाज गाथोना अन्ध बोरिनि खाथियाव दड'। बेनि उनाव बिथांखौ बेंगालुरुनि इड आरआव सेटेलाइट सेन्टराव शिप्ट खालामो, जाय सेटेलाइटनि जौगाखानायनि गाहाय मिरु। निगारनि जोनोमा गंसे मुस्लिम नख 'रआन तामिलनाडुनि तेनकासि जिल्लानि सेनगट्टइयाव जायो। शाजिआ सेनगट्टइयाव

गावनि सोलेंथाइखौ लादों। बेनि उनाव मदुराई कामाज मुलुग सोलेंसालिनि तिरुनेलभेलेनि सरकारि इन्जिनियरि कलेजआव एडमिशन लायो, जेराव बिथाड इलेक्ट्रिक्स आरो कम्प्युनिकेसनयाव इन्जिनियरिनि डिग्री लायो। निगारनि बिफाया सानखान्थियाव ग्रे जुएट लासेयावबो गावनि गोसोजों आबादारि जायो। बिथाडा गावनि फिसाजो निगारखौ जेब्लाबो जिउआव गिदिर खामानि मावनो थाखाय थुलुगा होयोमोन।

## मुलि कम्पानीफोरनि थाखाय सरकारि गोदान गाइडलाइन

गोदान दिल्ली, 7 जानेवारी: सावसि मावख 'नि फारसेनिफ्राय फोसावनाय गाइडलाइनआव मुलिफोरखौ बोखांना लाफिननायनि सोमोन्देबो बिथोन होनाय जादों। बेवहाय रोखा खालामनाय जादोंदि, गात्रि मुलिफोरखौ बोखांना लाफिननायनि सिगां लाइसेन्टि अथ 'रिटिनो खौरं होनांगोन। बेजों लोगोसेनो मुलिफोरखौ मानो बोखांना लाफिननाय जादों, बेनि सोमोन्देबो गुवारि रिपट गथाइनांगोन। मुलिफोरखौ बेवहायदि मा गात्रि दड; जायखौ बोखांना लाफिननो गोनां जादों, बेखौबो फोरमायनांगोन। दासिमाव जायखि जाया मुलिफोरखौ बोखांना लाफिननायनि सिगां लाइसेन्सिं

सावसि मावख 'नि फारसेनिफ्राय फोसावनाय गाइडलाइनआव मुलिफोरखौ बोखांना लाफिननायनि सोमोन्देबो बिथोन होनाय जादों। बेवहाय रोखा खालामनाय जादोंदि, गात्रि मुलिफोरखौ बोखांना लाफिननायनि सिगां लाइसेन्टि अथ 'रिटिनो खौरं होनांगोन। बेजों लोगोसेनो मुलिफोरखौ मानो बोखांना लाफिननाय जादों, बेनि सोमोन्देबो गुवारि रिपट गथाइनांगोन। मुलिफोरखौ बेवहायदि मा गात्रि दड; जायखौ बोखांना लाफिननो गोनां जादों, बेखौबो फोरमायनांगोन। दासिमाव जायखि जाया मुलिफोरखौ बोखांना लाफिननायनि सिगां लाइसेन्सिं



अथ 'रिटिनो खौरं होनायनि बेब 'रथा गैयामोन। मुलि कम्पानिफोरखौ बुनाय जादोंदि, बिसोरो गाव गावनि कम्पानियाव मोनसे फार्माक 'भिजिलेन्स सिस्टेमखौ बानायनांगौ। बेयो मोनसे औरैबायदि नोजोर होनाय सिस्टेम जागोन, जाय कम्पानीनि मुलिफोरनि क्वालिटीयाव नोजोर होगोन। जुदि मुलिआव जायखि जाया रोखोमनि बाडइ बेनि

जर 'खा बिहोमा थगोन। बे सिस्टोमआनो लाइसेन्सिं अथ 'रिटिनो रिपट गथाइगोन। लोगोसेनो मुलियाव मा बाडइ जादों आरो बेनि सिबिथाइखौ मा ख 'हा जानो हागौ बेखौ फोरमायगोन। गोदान शेडयुल एम गाइडलाइनखौ 250 कौटि रनिफ्राय बांसिन टर्नअवारनि कम्पानीनिफोरा 6 दानआव फालिनांगोन।

## बदरुद्दीनआ मुस्लिम फोलेरनि सुबुंफोरखौ 20-25 जानेवारिसिम गावसोरनि न'आवनी थानो खावलादों



बरपेटा, 7 जानेवारी: अयध्याआव राम मन्दिरखौ बेखेवनाय जथुमानि सिगां अल इन्डिया इनाइटेड डेमोक्रेटिक फ्रन्ट (एआइडिडिफ) नि आफादगिरि आरो लकसभानि सोदोमा बदरुद्दीन आजमलआ शनिबारखालि गासै मुस्लिमफोरखौ 20-25

जानुवारिसिम गावबा गावनि न'फोराव थानो खावलायो। बिथाड जों सांग्राडे थानांगोन होन्ना बुंदों। मुसलमानफोरा 20-25 जानेवारिसिम दावबायनायनिफ्राय जानगारव थानांगोन। गासै मुलुग रामनि जोनोम जायगायाव रामलिलानि मुक्ति

गायसन्नायखौ नाइगोन। लाख-लाख सुबुंफोरा बास, ट्रेन आरो उरां जाहाज बायदिजों दावबायगोन। बे सानखौ गोजोनै लाखिनांगोन। बियो आसामनि बरपेटायाव मोनसे सभाखौ सोमोन्दो लाखिबाय थादोंमोन। बेनि गेजेरजों, बिजेपिआ फिन्नाय होनाय बुडेदि, बियो सबखा साथ, सबखा विश्वासनि मन्त्रयाव खामानि मावयो। आसामनि बरपेटा जिल्लयाव मोनसे हाबाफारिखौ सोमोन्दो लाखिनाने बदरुद्दीन आजमलआ बुंदों, बेनि सिगां कंग्रेसनि सरकार दड'मोन आरो कंग्रेसनि सरकार आसामाव डि. भटार आरो एनआरसिजों सोमोन्दो गोनां

जेंनाफोरखौ सोमजिहोनायाव मख 'जाथाव बिफाव लायो।

गोदान दिल्ली, 7 जानेवारी : भारतनि न'सुंसे हादत बांलादेशआव दिने सयसन्ना बिसायख 'थिनि थाखाय भट जागासिनो दड। बांलादेशी संसदनि मोन 300 मासिफोरनि थाखाय भटआ दिने फुनि 8 रिंगानिफ्राय जागायो। भट जोबनायनि उनाव भट सान्नाया जागायगोन आरो मैया एबा 8 जानेवारीयाव फिन्नाय फैगोन।

## फुटवियारनि गंनै फेक्ट्रीफोराव गिखंथाव अर खामदों

झाज्जर, 7 जानेवारी: बाहादुरगढनि फुटवियार पार्कआव थानाय गंनै मुंदांखा कम्पानीफोरनि फु टवियार फेक्ट्रीआव अर खामदों। फायार ब्रिगेडनि गं 10 निफ्राय बांसिन गारिफोरा जाथायसालियाव सौहैयो, नाथाय अरखौ सामलायनो हायाखै। टुडे फेक्ट्रीनि बिगोमाया बाहादुरगढ चेम्बर अफ कमास एन्ड इन्डस्ट्रीनि प्रधान सुभाष जग्ग। गुबुन मोनसे फेक्ट्री कलम्बसनि बिगोमाया महन मन 'चा। अरआ बांसिनै गोसारेनि थाखाय मुवा बेसादफोरखौ

खामहैयो। अर खामनायनि खौरं मोन्नायने फायार ब्रिगेडनि गं 10 निफ्राय बांसिन गारिफोरा जाथायसालियाव सौहैयो, नाथाय अरखौ सामलायनो हायाखै। टुडे फेक्ट्रीनि बिगोमाया बाहादुरगढ चेम्बर अफ कमास एन्ड इन्डस्ट्रीनि प्रधान सुभाष जग्ग। गुबुन मोनसे फेक्ट्री कलम्बसनि बिगोमाया महन मन 'चा। अरआ बांसिनै गोसारेनि थाखाय मुवा बेसादफोरखौ



बायजोआव दिहुन्नाय जाबाय आथिखालाव अर खोमोग्रा मावसुमाफोरा बेवहाय गोबां नांथाबदों।

## नितिश कुमारखौ हादतनि गाहाइ मन्थि बानायनांगौ होन्ना समाजवादि पार्टीआ दाबि दैखांदों

गोदान दिल्ली, 7 जानेवारी : लकसभा बिसायख 'थि 2024 खौ नोजोर होनायने बेरेखा दोलो जुथाइ हान्जा एबा इन्डियाआ लान्थियै थियारि खालामनायाव नांथावदों। आथिखालाव मोनसेनि उनाव मोनसे जथुमाफोर जागासिनो दड आरो माखासे दैदेनगिरिफोरा गावजों गाव लोगो हामासिनो दड। इन्डियानि गायसनगिरि आरो गाहाइ मन्थि मासिनि थाखाय सोरखौ सायख 'गोन बेनि थांखिखौ दासिमबो लानो हायाखै। बेनि गेजेरजों समाजवादी पार्टीआ इन्डियानि सिगाडाव मोनसे गिदिर दाबि दिखांदों। अदेबानि समाजवादी पार्टीनि स्पेटफर्म एक्सआव मोनसे पस्ट शेयार खालामो। समाजवादी पार्टीनि बुंथिगिरिनि बे टुइटजों इन्डियानि फारसेनिफ्राय



सायख 'नो गोनां गाहाइ मन्थि मासिखौ लानाने राजखान्थिया बांदों। अदेबानि समाजवादी पार्टीनि आइपि सिंहआ सशेल मिडिया साइट एक्सआव पस्ट लिरोदि, हादत नाइनि पटेल समाज आरो पिडिआ थि खामादोंदि, गोल्सोना थानाय थाखोनि पटेल श्री नितिश कुमारजीखौ हादतनि गाहाइ मन्थि खालामनांगौ। सुलुंनि बायदिल्ला, आइपि सिंहआ जाय

सावगारि शेयार खालामदों, बेयाव समाजवादी पार्टीनि गाहाइ अखिलेश यादभनि सावगारि आरो जेदिइडनि गाहाइ नितिश कुमारनि सावगारि दड। अदेबानि समाजवादी पार्टीआ पिएम मासिनि थाखाय कुमारनि मुड आवगायदों। अदेबानि इन्डियानि दिल्लीयाव जानाय जथुमानि समाव टिएमसि आरो आम आदमी पार्टीआ मोनसे सुराव माल्लिकार्जुन खरडेखौ गाहाइ

मन्थि आरो गायसनगिरि खालामनो अर 'ज गावदोंमोन। आथिखालाव खडुगेया बेनि सायाव बिसायख 'थिनि उनाव सावरायगोन होन्ना बेखौ नेवसिगारो। खडुगेया शनिबारखालि बुडे इन्डिया जुथाइ दोलोआव थानाय दोलोफोरनि दैदेनगिरिफोरनो मासि रान्नाय होनायाव 10-15 साननि गेजेरावसो थांखि लागोन।

## राम मन्दिरनि बेखेवनाय हाबाफारियाव मुस्लिम एमएलएआ सिबियारिफोरनि खरसा दैखांदों सिगांदों

रान्चि, 7 जानेवारी : अयध्याआव जानो गोनां प्राण प्रटिष्ठाखौ लानाने गासै हादतआनो रंजाखांदों। बिजेपिल' नड हादतनि बेरेखा दोलोनि दैदेनगिरिफोराबो बे हाबाफारियाव बाहागोयारि जानायनि थांखि लादों। बेनि गेजेरावनो झारखान्डनि जामताइनिफ्राय कंग्रेसनि एमएलए इरफान अंसारीआ राम सिबियारिफोरनो गिदिर अफार होदों। इरफानआ बुंदोंदि, बिथांनि बिधानसभा बियाबनिफ्राय जाय सुबुंफोरा राम मन्दिर बेखेवनाय हाबाफारियाव थानो गोसो दड; बिसोरनि गासैबो खरसाखौ गाव गारगोन। फारसेथिं कंग्रेसनि गागि बिबानगिरिफोरा दासिमबो राम मन्दिरनि बेखेवनाय हाबाफारियाव थानो नोंथाड बेखौ थि थांखि लानो हायाखै, गुबुन फारसेथिं कंग्रेसनि एमएलए सन्सारीखौ सुबुंफोरा बाखानायदों।



मख 'जाथावदि, इरफानआ खोथाबो होदोंदि, जाय सानाव अयध्यानि राम मन्दिरखौ बेखेवनाय जागोन, बै सानाव गावनि पार्टीनि मावफारियाफोरजों ज' जानाने लकेल मन्दिरफोराव आलारि बाथि फोजोंगोन। बेजों समाजआव बिदा-फं बाय सान्नाया बांगोन। प्रभु श्री रामआ बयनिबो बिथाड सोरबा सुबुं एबा पार्टीनि नड फारसेथिं राजस्तान खेतडीनिफ्राय बिजेपिनि एमएलएआ 22 जानेवारीयाव रङ्ग्योआरि छुट्टिनि

दाबिबो दैखांदों। बिथाडा बुंदोंदि, सनातन धोरामखौ मोजां मोग्रा आरो सुबुंफोरनि सान्दांथिखौ नोजोर होनायने बिथाडा गाहाइ मन्थिनिमिम गावनि बाथाखौ मिबथिहोहरगोन। सुलुंनि बायदिल्ला, राजस्तान सरकार सिगांनिफ्रायनो बे बाथानि सायाव सावरायदोंदि, 22 जानेवारीयाव जानो गोनां प्राण प्रतिष्थानि सायाव सरकारी छुट्टि होनांगौ। जायजों अयध्यासिम सौहैनो हायै सुबुंफोरा जायगानि मन्दिरफोरावनो पुजा खालामनो

हायो। फारसेथिं कंग्रेसनि एमएलएआ रामनि मुंआव आलारि बाथि सावनायनि बाथा बुंदों आरो गुबुन फारसेथिं कंग्रेसनि दैदेनगिरि प्रमद कृष्णमआ माखासे औरैबायदि बिबुंथि होदोंदि, जायखौ लानाने कंग्रेसनि थासारिया गुबुले जानो हागौ। खुंथायखौ लाना बिबुंथि होग्राफोरखौ कंग्रेसनि दैदेनगिरि प्रमद कृष्णमआ गोखोडे सोंखारिदों। प्रमद कृष्णमआ श्रीरामनि बेरेखाफोरखौ असुर होन्ना बुंदों आरो बेबायदि सुबुंआ भारतआव थानायनि मोन्थाइ गैया होन्ना बुंदों। बेनि अनगायै समाजबादि पार्टीनि दैदेनगिरि अखिलेश यादबखौ थांखिनाने कृष्णमआ मन्दिर आन्दलननि समाव मुलायम सिंह यादब सरकारनि हाबा मावनायफोरखौ रायखांदों। खौरनि बायदिल्ला इउपि कंग्रेसनि गोबां दैदेनगिरिफोरा 15 जानेवारीयाव अयध्याआव थांगोन।

## बांलादेशआव शेक हासिना देरहायोब्ला भारतआ मुलाम्फा जागोन



आथिखालाव बे बिसायख 'थियाव शंख हासिनानि पार्टीनि देरहानायखौ थि महर गनायना लानाय जादों। मानोना खालिदा जियानि बेरेखा दोलो बिएनपिआ बि सा य ख ' थि थ खौ नेवसिगारनो फोसावयो। आथिखालाव बयकटनि जाहोनाव हिंसायारि जाथायनि सन्देह' फोरमायगासिनो दड। बेरेखा

दोलोनि बुंनाय बायदिल्ला, शंख हासिनाया पिएम थानाय समाव हादतआव जेंना गैयै बिसायख 'थि जानो हाया। बेनि गेजेरजों बांलादेशआव शंख हासिनानि सरकार फे फिनोब्ला भारत आरो बांलादेशनि सोमोन्दोआ साबसिन जानो हागौ होन्ना गनायना लादों। बांलादेश बिसायख 'थिनि गेजेरजों बांलादेशनि गुबुन हादतयारि सेक्रेटारि मसुद बिन ममेनआ

भारतजों लोगोसे साबसिन सोमोन्दोफोरनि बाथा बुंदों। गाहाइ मन्थि शंख हासिनाहा जायखि-जाया रोखोमनि उतखारिनि सायाव गावनि जिर' टलेरेन्सनि नेम-खांथि दड। बिथाड 1 इन्सि हाखौबो भारत आरो म्यानमारनि हेंतायै जों बारायहोनो हानाय नड होन्ना बुंदों। जों जोंनि समयखिरयाव दिदोमै दड। बांलादेशनि गाहाय मन्थि शंख हासिनाया 2009 याव

खुंथायाव फैनायनि उनाव भारतजों लोगोसे साबसिन सोमोन्दो लाखिनो सान्दों। मिबथिनो मोन्नाय बायदिल्ला, 2014 नि उनिफ्राय भारत आरो बांलादेशनि सोमोन्दोया गोखोंसिन जायो। भारत-बांलादेशनि गेजेराव फालांगिया 3 गुण बांदों। गोबां बोसोर गोजाम सिमना जेंनाया सुस्त्रांजादों। लैथोमायारि सिमनाजों लोब्बा गोनां जेंनाफोराबो सुस्त्रांजादों। दरनै हादतफोरनि गेजेराव मोन्थाम गोदान बास आरो रेल सिबिथाइफोर जागायदों। भारतआ थानाय 9 बोसोराव बांलादेशनो 10 लाख डलारनिखुइ बांसिन मदत होदों। मख 'नो गोनांदि, बे बिसायख 'थियावबो शंख हासिनानि पाटिया भारतजों लोगोखौ फोरमायनायने देरहानायनि मिजिं थिदों। बेबायदियाव जुदि शंख हासिनाया देरहायोब्ला भारतनि थाखाय मुलाम्फा गोनां जागोन।

सुंद' सल'

धरायना बबिता ग्यारी

## जाणिमिन

श्रीकृष्णखौ भगवान आनान ग'साइनि मोनजि अबतारनि मोनसे होननानै गनायनाय जायो। कंसनि जोबथेसालिआव जोनोम मोननाय श्रीकृष्णनि बिफा बिमानि मुझ लारिये बासुदेव आरो दैबकीमोन। जोबथेसालीआव जोनोम मोननायनि इयुनाव श्रीकृष्णआ नन्द योशोदानि खांनायाव देरबोदोमोन। इयुनाव बियो सोनाब भारतनि द्वारकापुरिआव राइजो खुंदोमोन। द्वारकायाव श्रीकृष्णहा से कौटि रौनियाफोर दंमोन। श्रीकृष्णआ द्वारकायाव राइजो खुंनाय समाव सानजा भारत गेजेर भारत आरो सा भारतनि राइजोफोराव आर्य नडे अनार्य सुबुंफोर राइजो जानायमोन। जैरे, मगधआव राजा जरासन्ध, बिदर्भनि कुन्डिन नोगोराव राजा भीष्मक, चेदी राइजोआव राजा शिशुपाल, पौन्द्र राइजोआव पुन्द्रक राजाफोरा गोगोम खुंनाय दंमोन। मगध राइजोआ दानि बिहारनि माखासे जायगाफोरखौ लानानै जौगाखांदोमोन। पौन्द्र राइजोआ दानि सा-बंगलखौ लानानै खाथि खालानि जायगाफोरखौ लानानै जौगाखांदोमोन। बिदर्भ राइजोआ दानि महाराष्ट्र राइजोआव गंगलैबाय। चेदी राइजोआ दानि बुन्डेलखन्दआनोमोन। बे राइजोफोरनि राजाफोरा श्रीकृष्णखौ सैथारमोन।

फारसेजो भीष्मक राजानि फिसाजो रुक्मिणीआ सिं श्रीकृष्णखौ गोसो थोनायमोन। श्रीकृष्णखौ फिसायनि महराव मोननो अरायबो हास्थायबाय थानायमोन। रुक्मिणीआ गावखौ गोसोथोनाय बाश्राखौ श्रीकृष्णआ मान्थिनो मोनदोमोन। रुक्मिणीखौ हाबा खालायनानै लानो श्रीकृष्णआ बिथांखि लादोमोन। नाथाय भीष्मक राजाया गुबुन साननानै दंमोन। फिसाजो रुक्मिणीखौ चेदी राइजोनि राजा शिशुपालनो हाबा होनानै हरनो साननानै दंमोन। गाव साननायबादि राजा भीष्मकआ फिसाजोखौ राजा शिशुपालनो बिलायनानै हरनो दिन बारबो थिरां खालायदोमोन। शिशुपालआबो रुक्मिणीखौ गावनि रानी खालायनानै लानो दावगा बोदोमोन। रुक्मिणी आरो शिशुपालनि हाबानि थाखाय दिन-बार थिरां जाबाय होननानै खोनाहैनायनि इयुनाव श्रीकृष्णआ कुन्डिन नोगोराव फैनानै रुक्मिणीखौ सेनानै लाना थादोमोन। गोगोम रोन जादोमोनब्लाबो श्रीकृष्णआनो देरहासार जादोमोन। मगधनि राजा, पौन्द्रनि राजा, चेदीनि राजा मोनहाबो श्रीकृष्णखौ होबथानो हायाखैमोन।

राजा भीष्मकखौ मरिय बंशजो स'रजाबनाय जायो। मरियफोरा तिब्बेत-बरमन मंगलीय सुबुंफोर। बे फारसिनिफ्राय नायोब्ला श्रीकृष्णआ बडिक राव रायलायग्रा रुक्मिणीखौ हाबा लाहैदो होननो बेवनो खाबु मोननाय जायो। भीष्मक राजानि खोलाहानि राइजोआ बान राजानि राइजोमोन। बान राजायाबो आर्य नडे सुबुंफोरनि राजामोन। बान राजा आरो कामरुपनि बर' राजा नरकासुरनि गेजेराव गोगोम नांथाबनाय सोमोन्दे दंलायोमोन होनानै पुरानाव फरायनो मोनो। बान राजा आरो नरकासुरनि सुबुंफोलेरआ मोनसेआनो जानांगोमोन होननानै-बुनो बेवनो खाबु मोनो।

रुक्मिणीखौ श्रीकृष्णआ हाबा खालायनानै लाहैदोमोन। श्रीकृष्णआ रुक्मिणीनि गोबोनिफ्राय फिसाजो प्रदुम्नखौ मोनदोमोन। प्रदुम्ननि फिसाजोनि मुझ अनिरुद्धमोन। श्रीकृष्णनि फिसाजो अनिरुद्धआ बान राजानि फिसाजो उषाखौ गोसोथोनायमोन। बान राजाया जातिनि सुधुर श्रीकृष्णनि फिसा अनिरुद्धनो फिसाजोखौ हरनो गोसो गैथारामोन। नाथाय श्रीकृष्णआ बान राजाखौ रोनाव फेजेननानै उषाखौ फिसाजो अनिरुद्धनो हाबा होदोमोन। बे फारसिनिफ्राय नायोब्ला बुंबावनो हायोदि, अनिरुद्धआबो आर्य नडे सुबुंफोरलेरनि हिन्जावखौ हाबा खालायदोमोन। बे जाथायफोरा आर्य आरो अनार्य सुबुंफोरनि गोरोबलायनाय आरो गलाय गथाय जानायखौनो दिन्थियो।

ओजो कामरुपनि राजा नरकासुरा गोहोजो बोलोजो जेरावबो जेरेबो देरहासार जानानै राइजो खुंनो ह'मदोमोन। नरकासुरा प्रागज्य'तिषपुरनि बुहुम बशनि राजामोन। बिष्णु पुरानाव लिरनाय बादिब्ला नरकासुरनि बिफाया बिष्णुमोन आरो बेसोमुथीआ बेनि बिमामोन। लिरनायाव दं, जेब्ला आइ बैसोमुथिआ लैथोआव गोदोलांनो ह'मदोमोन, बे समाव बिष्णुआ अमा महर लानानै संसाराव नुजाफैदोमोन आरो बुहुमखौ लैथोआव गब'लानायनिफ्राय बोखांदोमोन। बिष्णुनि दानाय बिलिरनायाव आइ बैसोमुथीआ गोबोनिगिथि जादोमोन। इयुनाव बैसोमुथीआ नरकखौ जोनोम होदोमोन। बेनिखायनो नरकासुरखौ भौम एबा बुहुम बंशनि सुबुं

होननानै बुडे। नरकासुरनि फिसाजोआ भगदत्त। महाभारतआव लिरनाय बादिब्ला भगदत्तनि गासिबो रौनियाफोरा चीना आरो किरातफोरमोन। भगदत्तनि राइजोआ आसामनिफ्राय जागायजेननानै खोलाहा लैथोसिम मोन। आसाम आरो बंगलआ भगदत्तनि राइजोमोन बेखौ रोखा बुंनो हायो। गुबुन बाश्राया जाबाय आसाम आरो बंगलाव राइजो जानाय सुबुंफोरा किरात आरो चीनाफोरमोन। बेनिखायनो भगदत्तनि रौनियाफोरा गासिबो चीना आरो किरातफोरमोन। किरात आरो चीनाफोर राइजो जानाय राइजोनि राजाया किरात आरो चीनाफोरनिनो सासे सुबुं जाखागोन। दानि बर'फोरा बिसोरनिफ्रायनो ओंखारबोनाय। बिष्णु पुरान आरो महाभारतनि लिरनायफोरा रोखा दिन्थियो दि, भगदत्त आरो बेनि बिफा नरकासुरा गोजाम कामरुपनि बर' राजाफोरमोन।

नरकासुर बर' राजाहा बिफानिफ्राय मोननाय बिष्णु अस्त्र दंमोन। बे अस्त्र गोनांखाय नरकासुर बर' राजाखौ रावबो फेजेननो हायामोन। बियो संसार आरो सोरगोनि बयखौबो फेजेनजोबदोमोन। सोरगोनि राजा इन्द्रखौबो बियो फेजेनदोमोन। सोरगोनि मोदायजो अदितिनि स'ना खिरुखौ सेनानै लाबोदोमोन। सोरगोनि अपसराफोरखौबो बियो बोनानै लाबोदोमोन। गोहोगोरा बर' राजा नरकासुराहा गासै जिड' रोजा हिन्जाव दंमोन नो। बर' राजा नरकासुरनि नोगोरखौ हर'सान बेंनाय जायोमोन। बेनि नोगोराव रावबो हाबनो हायामोन। बेनि जिड' रोजा बिसिफोरा हा सिडव लुनाय अन्दर म'हलाव थानायमोन।

नरकासुरनि गोहो बोलोआव थावरिनो हायैलाय, मोदायफोरा जिंगायाव गोलेदोमोन। नरकासुरखौ मात्रे फोजोबनो होनांगौ बेखौनो सानलायबाय थानायमोन। मोनबो उपाय गोयैलाय, मोदायफोरा सानसेखालि श्रीकृष्णनिसिम थादोमोन। थानानै श्रीकृष्णनि सिगाडव गावसोरनि सातजारलाखौ बिबुंसार हैदोमोन। नरकासुरनि गोहो बोलोनि सोमोन्दे खोन्थाहैदोमोन। नरकासुरखौ द'फथायनो हायाब्ला, बिसोर मोदायफोरा सोरगो राइजोखौबो गोमानांसिगोन होननानै ग'सर गाबहैदोमोन।

मोदायफोरनि ग'सरगाबनायाव श्रीकृष्णआ गलिलांदोमोन। बियो प्रागज्य'तिषपुरसिम फैनानै नरकासुरजो रोन होफैदोमोन। श्रीकृष्ण आरो नरकासुरनि गेजेराव गिलु बालु रोन जानानै थादोमोन। बोसोरनि इयुनाव बोसोर बिसिबा गोलाव रोन जादोमोन। अरजोबो जेना, दैजोबो फेजेननो हाया आरो अस्त्रजोबो गावथारनो हाया नरकासुरखौ फेजेननाया गोब्राब जानानै फैदोमोन। नरकासुरनि आखायाव जिसिबादिन बिष्णु अस्त्र थागोन, बेखौ फेजेननो हानाय नडा बे बाश्राखौ श्रीकृष्णआ मोन्थिनानै बिष्णु आनान ग'साइनि मदद लानो गोनां जादोमोन। गावनिनो अबथार श्रीकृष्णनो बिष्णु आनान ग'साया मदद होदोमोन। बिष्णु अस्त्रखौ दान्दिसेनि थाखाय बिष्णुआ बुश्रा खालायनानै होदोमोन। बे सुजुगखौ लानानै श्रीकृष्णआ नरकासुरखौ गावथारदोमोन। बर' राजा नरकासुरा बे बादिनो थैना नै थादोमोन। नरकासुर थैना नै थानायनि इयुनाव श्रीकृष्णआ बेनि फिसाजो भगदत्तखौ प्रागज्य'तिषपुरनि राजमासिआव फज'दोमोन।

राजा नरकासुर थैना नै थानायव बेनि जिड' रोजा रानीफोरा आलाइ आथानि जादोमोन। फिसायखौ गावथारनायनि बदलै बिसोरनो नरकासुर बादि गोहो गोरा बोलो गोरा फिसाय होफिननांगौ होननानै नरकासुरनि गासिबो बिसिफोरा दाबि होदोमोन। श्रीकृष्णआ आख' फाख'आव गोलेदोमोन। बे समाव सोरगो, मर्थ आरो पातालाव नागिरजोबब्लाबो नरकासुरजो समान गोहो गोरा आरो बोलोगोरा राजा मोननो गैयामोन। उपाय गैजायैलाय, श्रीकृष्णआ गासिबो जिड' रोजा हिन्जावफोरखौ गावजो नो लांफानो गोनां जादोमोन। बिसोरखौ लानानै श्रीकृष्णआ गावनो हाबा खालायजोबनानै लाहैदोमोन। बे बाश्राफोरखौ बिष्णु पुराननि थामजिसे आरो थामजिनै बाहागोआव लिरनानै फोसावनाय जादो। बे बर' हिन्जावफोरनिफ्राय श्रीकृष्णआ गासै दाइनजिस्ति रोजा दाइनजो (87,800) फिसाफोर मोनदो होननानैबो बे पुरान बिजाबाव लिरनाय जादो। अमा (बराइ) महरखौ अबतार लानायव बिष्णु आनान ग'साया आइ बैसोमुथिखौ हाबा खालायफैदोमोन। बिनि इयुनाव श्रीकृष्णनि महराव अबतार लानाय समाव श्रीकृष्णआ जिड' रोजा बर' हिन्जावफोरखौ हाबा खालायदोमोन। बिष्णुआ बिहामजोफोरखौ हाबा खालायदोमोन। बिष्णुआ बिहामजोफोरखौनो हाबा खालायनानै लानायखौ बोरेबा मोनो। नाथाय बे बादिनो लिरदो।

खामानियाव गैया दामानियाव गैया बेरायथिंग्रा जोबसै।

4

हाय दानि जुगनि सेंग्रा सोरखार जालाइफोर,  
राम-राम बाबु सोरखार जालाइ।  
मेगनाव ग्लास खोबनानै दुगा दिन्थिंग्रा;  
खुगायाव फेमफा होनानै रेल गारनि हगारग्रा।

5

हाय दानि जुगनि सेंग्रा जालाइ  
लेखायाव गैया फराआव गैया जोबसै।  
जानला मोनला खोथा बुंग्रा जोबसै,  
दानि जुगनि सेंग्रा जालाइफोर जानला मोनला,  
हिन्जाव गोसोथोग्रा जोबसै।  
दानि जुगलाइ खोलि जुग जाबोबाय।

श्री निलकान्त नाजरी  
फरायसालि- उमानन्द गोजौ फरायसालि  
लाःसोः- काकरमारि  
गामिः सामथायबारी।

## रंजालि गथ'फोरनि सौरा

## गजल खन्थाइ

नोंथानि खन्थाइ रेबथि  
लैथो बादिनो गोथीथि

जेराव नुनो मोनबावो  
गोथौ गोथौ सोदोबनि बाहायथि

नायथायनाय फरायगिरिफोरा नोंथानि खन्थाइखौ  
फरायनानै मोनो गोजोनथि

आरो मोनबावो नोंथाड समाजारि बिजोडव  
बां फरायगिरिनि बां हामलायथि

लिरगिरि-रैदोम बर',  
माजदिया, बगुलामारि,बाक्सा

## टेद्राकटिस खन्थाइ

सम  
लाना  
गोरबोनि  
माबा मोनसे  
मिजिनाया सिमानि अनजालि

सम  
लाना  
मोगथानि  
सम लानानै  
सिमानि रजे जिजनि मिजिड

हर  
गोथौ  
बिलियाव  
सिमां जाना  
गेले फैयो गोरबोनि मिजिड

फिन  
सिरि  
मोनोबा  
फिन सानफिनो  
गोरबो मिजिड सिमांसो होनना

औ  
आदा  
थारेनो  
सैथो खोथा  
आरो लिरबावथो सानना बाखायदो

सार  
सोदोब  
लैथोयाव  
थ्वल'बाय दं  
साननैसोनि उनाव हरथासिगोन

रैदोम बर',  
माजदिया, बगुलामारि,बाक्सा

## गजल खन्थाइ

खन्थाइनि थिलिआव खन्थाइ रेबनो  
दिनै बिलि दान होनो  
हायासै आंहा  
मुखुबथि थानायखायनो  
थेवबो दिनै  
सानसे खन्थाइ रेबैखौनो  
बे गोसोआ  
बोरेबा मोनो मानो ?

लिरगिरि-रैदोम बर',  
माजदिया, बगुलामारि,बाक्सा

## गैया मा खालामो

बे बादायारि मुगायाव  
बिमा बिफाया आंखो,  
उन्दैनिफ्रायनो मेगनाव मोदै  
खुगायाव खुदै लानानै।  
हाजिरा बान्दा मावनानै  
लेखा फरायहोदोमोन।  
जिराब जिथाव खसाब गाननानै  
दुखुथिया महरखौ लानानै,  
फरायसालि फासै आगान सुरलाडोमोन।  
सानसेबा मोनजानाय,  
सानसेबा खालि उदैखौ  
आजिरा सोलेरखौ लानानै  
मेगनाव मोदै खुगायाव खदै  
दुखुथिया नखराव,  
सानसिख' हायै जिउखौ लानानै।  
आनान गसाइनि अननायाव,  
12 थाखोखौ उथिनय  
लोगो लोगोनी  
साखिन रादाब फैयो  
अफिस फासै दावगा लाडे  
दुखु नांथाब बे बादायारि मुगायाव  
50 रोजा रां बिनायाव आं  
मेगनाव मोदै लानानै  
दुखुथिया न फासै  
फैफिन नाडे।

मुसि थुलुंगा दैमारि  
फरायसालि-त-प-भन गेजेर फरायसालि  
गामि- खासपुर हालांबाजार  
जिला- कक्राझार बि टि सि ( आसाम )।

## हान्जाथाम लिमारिक

रौ - रौ सौ - सौ  
लोब्लाथाय बलद मोसौ  
दाइ गैया फोदो गैया  
बुजानानै आदाया हुस गैया  
पिकनिक जाहैनाया जाहैदो सारोन मोसो।

दाव अमा आरो जौ - बेदर  
जानानै फेनानै साखावलायबाय बुर बुर  
इउ इउ एम्बुलेन्च गाबलांबाय  
दान्दिसे उनाव खौरांआव ओंखारबाय  
थैना सेंग्राया जिलानानै दहैयोनो बडइगाव तेजपुर।

आंखौ लिंथाबनाड जारौ नोलाय  
गोदान बोसोरावल' जाया रंजानाय  
बिगिनि मोनब्ला खैफोद साफियो  
भदथायै फालियोब्ला गोजोत्राय फैयो  
बेखायनो फे सैनाय आलासि जानो देलाइ-मालाय।

## हायेन

जौनि हायेन बेसेबां समायना  
आय हाबाब बेसेबां गोजोन,  
बेलारोम समाव सोनाबफा सान हाबदो  
दावमा दावसाफ्राबो रंजा-बाजा बिरलांदो  
गथ फ्राबो बेलारोम समाव बिजाब फरायो  
बिजाब फरायखानायनि उनाव  
बिबौनि सल बाथा खोनासडे।  
हर खोमसि जायो आरो गथ फ्राबो उन्दुयो  
दावमा-दावसाफ्राबो सिरियै उन्दुयो।  
आरो बिनि उनाव जारौ मारो फुबिलि जाबोयो  
दावमा-दावसाफ्राबो रंजा-बाजा  
गोदे गारांजो मथाय खनो  
आनि गोसोआबो रंजानो गोसो जायो  
आय हाबाब बेसे समायना जौनि हायेनलाइ।

मुसि दैथुन नाजरी  
गामि- औबाबारी, बिसपुरी।

“हागौमोनदा  
उनदाहाया?”

समा खारथिये बारलाडे  
थाद'आब्लानो रोमै रोमै उनफासं,  
हामा दैमा रेगानि गाब गालाडे  
गुस्तायलाडे सोलेराबो बैसोजो लोगोसे।

बाबेनलानाय आरो सोलिबोथा समनि  
सावगारि एरखांग्रा गोसो सानसियाव  
थाखो-थाखो उनदाहाया आनि  
सावगारि सेबखाडे गोबो सेलुलयेदाव।

आंहा गांनाय गैयामोन्थाय...  
अननायनि बिसखौ मोनलोनाय नडमोन,  
सोलेराव थर थायामोन्थाय...  
खामग्लिनारय अराव आं गाबखावामोन।

थि समावनो नाजावनायमोनब्ला सैथो लामाखौ  
हागौमोन्दा बोबथिनो उनदाहाया आंखो ?

मुं: बिरनजय मोसाहारि  
गामि: दांतला( गहपुर )  
जिल्ला: बिस्वनाथ

## दोंबा लिमारिक

1

गोदान मुगानि गोदान बोसोरनि सेंग्रा जालाइफोर  
दानि जुगालाइ मबाइल जुगानोसै।  
दानि जुगनि गथप्रा सासेबो मोजाडनो गैला;  
मबाइल सेरनानै सिख्लाफोरनि सेर सेर थाबायो।

2

दानि जुगनि सेंग्राफोरखौ रावखौबो एदावजाला  
दानि जुगनि सेंग्रा मोद्लाफोर।  
आखायाव। मबाइल सेरनानै बेरायथिंग्रा;  
दानि जुगनि सेंग्रा सोरकार जालाइफोर।

3

दानि जुगनि सेंग्रा सावलुनफोर  
दानि जुगालाइ जौ सिगारेतआनोसै।  
जौ सिगारेटजो दिन थांग्रा सेंग्रा मोद्लाफोर;

(□ 1 बिलाइनिफ्राय)

## गिबि मन्थिआ दुलाराय आसाम कालवार समाज महासभायाव बाहागो लादों

बिसोरो मुलुगखौँ जै खालामग्रा सप्तदीशनि चक्रबतीं सम्राटफोर आरो गोसोखांबोनाय भगवान सहसर्जुन आरो भगवान बोलभद्रनि सती संत्रिफोर । गिबि मन्थिया बुंबावदोंदि, बोखावजायै भारतनि सुबुंफोरा फोथायजाथाव धोरोमारि सुबुं हिसाबै कालवार समाजखौँ जेब्नायबो गोसोआव थागोन । बिथाड बुंबावोदि, गोबां जौथाय सिगां भारत हादतनि गुबुन गुबुन ओन्सोलनिफ्राय कालवार समाजनि सुबुंफोरा आसामसिम फेंदोंमोन आरो गाव-गावनि जिउ राहाजों गोरोबनानै राइज्योनि समाजारि-रांखान्थियारि जौगानायाव गोबां बिहोमा होबोगासिनो थादों । महाभारतखौँ मख'नानै बिथाड बुंदोंदि, आसाम आरो कालवार समाजनि गेजेराव बा रोजा बोसोरनि सोमोन्दो दइ। गावनि बिबुंधिनि गेजेरजों गिबि मन्थिया बेखौँबो बुंदोंदि, कालवार समाजनि गोबां जुनिया मोन्थाय मोन्नाय गथ'फोरा भारत बिमानि मुंखौँ जोंखंगासिनो दइ। कालवार समाजनि सुबुंफोरा भारतारि सोदोमस्त्रि आरो हारिमुखौँ गोथां खालामनो थाखाय नारा-नाथा नाजागासिनो दइ होन्ना बुनानै गिबि मन्थिआ बुंबावोदि, बोखावजायै भारतनि हिन्दु, जैन, सिख आरो बौद्ध समाजनि गोबां थानसालिफोरखौँ बे समाजनि सुबुंफोरा लुदों । कम्बोडियानि अंकुरवात मन्दिराबो कालवार समाजजों लुजानाय । बिसोरो दारिमिन, आबाद मावनाय आरो फालांगियावबो लोब्बा दइआरो एसेल' अन्जिमानि सुबुंफोरा साहा बागाननि खामानियावबो नांथाबदोंमोन । आसामनि बांसिन नोगोरफोरनि गेजेर थालायाव बे समाजनि सुबुंफोरा गामियाव थागासिनो दइ होन्नानै फोरमायो । गिबि मन्थिआ बुखेंदि, ढेकियाजुलिआ आसामनि समाजारि जिउआव मोनसे जुनिया गोनांथि दइ आरो भारतनि उदास्त्रि सोमावसारनायनि गोग्गाथाव साखि ढेकियाजुलिआ । सुबुंफोरनि जांखिखानायाव ढेकियाजुलि पुलिस थानायाव फिरफिला बिरहोनाय हाबाफारियाव बाहागो लानाय आरो लावथि सिबनायाव मनबर नाथ, कुमली देबि, महिराम कच, रतन कछारी, सरुनाथ चुटिया, मनिराम कछारी, तिलेस्वरि बरुवा, लरेला कछारी, दयाल दास पानिका, कन्हलि देबि, मंगल कुकु बिथांमोनबायदि गोबां हादत अनफावरि सुबुंफोरा गावसिनि जिउखौँ दान होदोंमोन होन्नानै फोरमायो । दिनैनि हे हाबाफारियाव गिबि मन्थिआ उदास्त्रि सोमावसारगिरि थुगिराम बराखौँबो मान बावदों । गुबुन फारसेथिं बे हाबाफारिजों लोब्बा लाखिनानै फोसावनाय गांसे बिसम्बिबो बेखेवदों । दिनैनि हाबाफारियाव न' आरो नोगोरारि बिफाननि मन्थि अशक सिंघाल, एमएलए मानव डेका, गणेश लिम्बु, कृष्ण कमल तांती, बिहारनि बारग' लेडइ गिबि मन्थि तारिक्षेश्वर प्रसाद, दुलाराय आसाम कालवार समाजनि आफादगिरि संतोष जायसवाल, उत्तर प्रदेश, बिहार, झारखाण्डनिफ्राय कालवार समाजनि गोबां सुबुंफोराबो बाहागो लादोंमोन ।□

## राइज्यो बेंगिरिया लाइभस्टक एन्ड पल्ट्री श्व-२०२४ नि जोबनाय फोर्बोआव बाहागो ...

आबादारिफोर आरो लाइमोनफोरखौँ जेब्लाबो थुलुंगा होबोदों । बेनि फिथाइ महरै राइज्योआव गोबां गोदान स्टार्टआप्स ओंखारदों आरो सुबुंफोरा लासै-लासै आत्मनिर्भर जानो हमदों । काटारियाआ बुंबावदोंदि, आबादारिफोरनि आयखौँ बांहोनो हायो, जुदि बिसोरो मोसौ फिसिनाय, दाव फिसिनाय आरो गायखेर दिहुन्नाय बायदि बिथिडव गोदान बिरोंदामिनखौँ बाहायोब्ला । बिथाड गुजरात आरो पान्जाबनि बिदिन्थिबो होदों । राइज्यो बेंगिरिया बेखौँबो बुंदोंदि, बेयो गोजोनथाव बाश्रादि आथिखालाव आसामआ अमा दिहुन्थायनि बिथिडव हादरनि मोनसे गाहाय राइज्यो आरो दाव फिसिनायनि बेलायावबो सोमोनांथावै दावगादों । गायखेर आरो दावदैन दिहुन्थायाव राइज्योआ साखा-फारा जागासिनो दं । आसाम डायरी जौगाथाय बिथांखिनि सिडव राइज्योआव सानफ्रोमबो १० लाख लिटार गायखेर दिहुन्नायनि थांखि लानाय जादों । बिथाड बिफानखौँ राइज्योआव गायखेरनि अरायथा फान्नायखौँ रोखा खालामनो थाखाय जथाय नडै गायखेर सेक्टरखौँ खुंनो आरो क्लास्टर दानो थाखाय गोखों राहा लानो बिथोन होयो । राइज्यो बेंगिरिया गोजोन्नाय फोरमायदोंदि, आबादारिफोरनि आयखौँ नै गुन खालामनो थाखाय सरकारा राष्ट्रिय गकुल मिशन ( आरजीएम ), नेशनेल लाइभस्टक मिशन ( एनएलएम ), लाइभस्टक हेल्थ एन्ड डिजिज कन्ट्रल ( एलएच आरो डीसी ) हाबाफारि, राष्ट्रिय कृषि विकास योजना ( आरकेवीवाइ ) बायदि बिथांखिफोरखौँ मावफुंदों । बिथाड आबादारिफोरखौँ आबाद आरो सोमोन्दोगोनां सेक्टराव अरायथा जौगानायखौँ रोखा खालामनो थाखाय सरकारि बिथांखिफोरनि मुलाम्फा लानो खावलायदों । राइज्यो बेंगिरिया फोथायनाय दंदि, लाइभ स्टक आरो पल्ट्री शनि गेजेरजों राइज्योनि गोबां लाइमोनफोरखौँ थुलुंगा होनाय जागोन आरो ' आत्मनिर्भर भारत 'आव मख 'जाथाव बिहोमा होगोन । राइज्यो बेंगिरिया गिबि मन्थिखौँ बिथांनि दैदैन्याय आरो राइज्योआव जौगानाय आरो दावगानाय लाबोनायाव बिथांनि गोखों नोजोरनि थाखायबो बाख्नायदों । रांखान्थियारि गोनांथि, बिफां-लाइफां आरो जुन्थियारि, गोदान बिरोंदामिन आरो आबादारि सुबुं समाजनि थाखाय साबसिन आदबफोरखौँ दिन्थिफुंनो थाखाय दिन्थिफुंनाय खुंफुंनायनि थाखाय राइज्यो बेंगिरि गुलाब चान्द काटारियाआ बान्जायगिरिफोरनिसिम साबायखर बावयो । दिनैनि हाबाफारियाव आबाद बिफाननि मन्थि अतुल बरा, सोलोंथाय मन्थि डः रनज पेगु, पिएइसइ मन्थि जयन्त मल्ल बरुवा, हारिमुआरि बिफाननि मन्थि बिमल बरा, आसाम लाइभस्टक डेभेलपमेन्ट कपरिसननि मासिगिरि मनज सइकिया, जिब-जुनार फिसिनाय आरो जुनार फाहामथाय बिफाननि गाहाइ नेहाथारि मनीष ठाकुरजों लोगोसे गोबां गेदेमा सुबुंफोरा जोबथा हाबाफारियाव नुजाथिदोंमोन ।□

## बोखावजायै लक्षिमपुर जिल्ला' ब्रह्म दोहोरोम आफादनि सनाथि माइथाय फालिथाइया ...

आफाद आरो खुंगा ७थि बोसोरारि जथुमा सिमेन दख'रा ब्रह्म दोहोरोम आइजो आफादआ जथायै खुंफुंनाय थामथि साननि हाबाफारि बायदिद्यै फुंनि ६ रिंगायाव खोन्दो गैथि यज्ञनि अरखौ फोजोंजेनो बोखावजायै लक्षिमपुर जिल्ला ब्रह्म दोहोरोम फोसाव आफादनि गाहाइ फोसावगिरि लिलाकान्त ब्रह्मआ । फुंबिलि ७:०० रिंगायाव बोखावजायै लक्षिमपुर जिल्ला ब्रह्म दोहोरोम आफादनि आफादगिरि चन्द्र महन मोसाहारिआ आफादनि फिरफिलाखौँ बिरहोयो । फुंनि ७:३० रिंगायाव गुरुदेब कालिचरग ब्रह्मनि सावगारियाव बिबार बाउवो बोखावजायै लक्षिमपुर जिल्ला ब्रह्म दोहोरोम आफादनि लेडइ आफादगिरि अविनास ब्रह्मआ । फुंनि ९:३० रिंगायाव गुरुनि मान बावनाय फोर्बों खुंफुंनाय जायो । फुंबिलिनि १०:३० रिंगायाव जिल्लानि सिडव थानाय दख'रफोरा बोखावजायै लक्षिमपुर जिल्ला ब्रह्म दोहोरोम आफादनि बारग' आफादगिरि चन्द्र कुमार ब्रह्म, धनेस्वर ब्रह्म, मलेन औवारि आरो फोसावगिरि बिसित्रा ब्रह्म बिथांमोननो मान बाउवो । सानजौफुनि १२:०० रिंगायाव चन्द्र महन मोसाहारिनि मासि सामलायनाय गेवलां मेलखौँ बेखेवनानै बर' कछारि अन्साइ गावहायुंआरि खुंथाइनि गाहाइ मावफुं सोद्रोमा मिहिनीस्वर बसुमतारिआ बुडेदि- बर' हारिखौँ गोदोहाबनाय थासारिनिफ्राय बोखांजेन्नायाव ब्रह्म दोहोरोमा गेदेर बिफाव लादोंमोन आरो बर' हारिखौँ गेरेमसा माहारि दाफुंनो थाखाय जॉनो दोहोरोमनि अबदानखौँ एंगारनो हाया होन्नानै बुंथियो । हाबाफारियावनो दुलाराय ब्रह्म दोहोरोम आफादनि आफादगिरि असिनि कुमार स्वर्गियारिआ गाहाइ आलासि महरै बाहागो लायो, हाबाफारियावनो लेडइ आफादगिरि पतेन्द्र बसुमतारिआ बाहागो लानानै बुंथियोदि, दोहोरोमखौँ जों गोथौयै सिबिनांगौँ आरो दोहोरोमखौँ मदत होनोब्ला जों रांखान्थियारि गोखों जानो नांगोन बेनिखायनो जों बयबो गावनि नख'रारि रांखान्थियारि थासारिखौँ गोखों खालामनांगौँ । बे एखे हाबाफारियावनो बर' थुनलाइ आफादनि नेहाथारि सोरजिला औवारि, दुलाराय ब्रह्म दोहोरोम आइजो गीता आचार्य पुर्णनन्द बरुवाया जर'खा आलासि महरै बाहागो लायो । लोगोसेनो मलेन्द्र नाज्रारि, मावफुं सोद्रोमा, एम.ए.सि., सानसुमा बसुमतारि, आफादगिरि, एलडिसि एक्स बिएलटि अन्साइ आफाद, बिस्त्राम नाज्रारि, नेहाथारि, बिटिसि बायजोनि बारग' बिएलटि अन्साइ आफाद, सुभारानि बसुमतारि सोद्रोमा, धेमाजि जिल्ला परिषद सुक्राचार्य मोसाहारि, बारग' आफादगिरि, बोखावजायै लक्षिमपुर जिल्ला एबसु, धरमेस्वर बसुमतारि, आफादगिरि, बिटिसि बायजोनि बारग' एक्स एनडिएफबि जयनारायन उपाध्याय, आजिरा फोरोंगिरि केकेपि गोजौ फरायसालि, बिनद बिहारि बसुमतारि, लेडइ नेहाथारि दुलाराय ब्रह्म दोहोरोम आफाद, बिरेन्द्र कुमार ब्रह्म, बारग' आफादगिरि बोखावजायै लक्षिमपुर जिल्ला ब्रह्म दोहोरोम आफाद, लखन बसुमतारि, बारग' गाहाइ नेहाथारि दुलाराय ब्रह्म दोहोरोम आफाद, नब कुमार ब्रह्म, बारग' आफादगिरि बोखावजायै लक्षिमपुर जिल्ला ब्रह्म दोहोरोम आफाद, महेन्द्र दैमारि, मासिगिरि, ब्रह्म गियान, बिथांमोना बाहागो लायो आरो ४:३० रिंगायाव खोन्दो गैथि यज्ञखौँ फोजोबनाय जायो ।□

(□ 1 बिलाइनिफ्राय)

## कक्राझारआव सरकारि नडै फसंथान रेइनब'नि

## बान्जायनायाव बेसेन नाडै ...

देहा फाहामथाय बादयाव सोनाव बेंगलनि सिलिगुडीआव थानाय मुखार्जी देहा फाहामसालिया जाफुंसार जानायाव हेफाजाब होदों । नोजेर होनोगोनांदि, बे बेसेन नाडै फाहामथाय बादयाव इउर', निउर', गायन'ल'जिस्ट, ईएन्टी, अर्थ'पेटिक बायदि बायदि गुबुन गुबुन बिफानफोरनि थाखाय फाहामथाय होनाय जादों । बे बेसेन नाडै फाहामथाय बादयाव कक्राझार नोगोरजों लोगोसे नोगोरनि खाथि-खालानि ओन्सोलनि गोबां सुबुंफोरा बायदि रोखोमनि बेरामनि आन्जाद खालामजादों आरो गोनां मुलिफोरखौँबो देहा आन्जाद खालामजाग्राफोरनो बेसेन होनाडजासे हरनाय जादों ।□

## मेगननि बेरामआव गोग्लैनाय सासे लाइमोन हिन्जावसाखौ ...

नुगनै दिनै बि पि एफ दोलोनि आफादगिरि हाग्रामा महिलारिनि बिथोन बायदिद्यै मिरु बि पि एफनि लाइमोन नेहाथारि कास्तम बसुमतारिजों लोगोसे बि पि एफनि मथंगुरि ब्लक कमिटिनि मावथि सोद्रोमाफोरा नख'रआव फैनानै खौरां लाफेंदों । खौरां लानायनि गेजेरजों मोजां फाहामथाय लाहोनो थाखाय जा इसे हायो रांनि अन्सुंथायबो होनाय जादों । मेगन नुयै जालांनाय बे लाइमोन हिन्जावसाया बि टि आर सरकार, राइज्यो सरकार आरो मुंदांखा देंखोगिरि जुबिन गार्गनिफ्राय हेफाजाब हास्थायदोंमोन । रां खाउरि गैजायै गरिब नख'रनि फिसाजो संगिता दासआ गोजौ फरायसालियाव फरायबाय थानाय समनिफ्रायनो थाइसे मेगननि नुथाइ गोहोआ खमायलांदोंमोन । बेनि उनावनो नख'रआ दाहार लानानै राइज्योनि गुबुन गुबुन देहा फाहामसालिफोरजों लोगोसे नेपालआवबो मेगन नायजाहेंदोंमोनब्लाबो जेबो मोजां फिथाइ मोनाखै । बे समाव संगिता दासनि थाइसे मेगना आबुडैनो नुयै जानायजों लोगोसे गुबुन थाइसे मेगनाबो नुथाय गोहोआ लासै लासैनो खमायलांदों । नाथाय जोबथारानायाव रां गैथेनि थाखाय बिफा भुमिधर दासआ गावनि फिसाजोनि मोजां फाहामथाय होनायनि थाखाय राहा गैथै जानांदों । जायनि थाखाय खौरांनि गेजेरजों खाफाल गात्रि संगिताया आसाम सरकार आरो बिटिआर सरकारजों लोगोसे मुंदांखा देंखोगिरि जुबिन गार्ग आरो अन्सुला राइजो-राजाफोरनि हेफाजाब नागिरनो गोनां जादोंमोन । बे सामावनो खौरां मोन्नानै बि पि एफ दोलोनि मिरु लाइमोन नेहाथारि कास्तम बसुमतारिआ संगिता दासनि नख'रसिम नुजाथिफेयो आरो रांखांथि अन्सुंथाइ होलाडे । दिनैनि बिपिएफनि थान्दै हान्जायाव लाइमोन बिपिएफनि नेहाथारि कास्तम बसुमतारिजों लोगोसे मिरु दैदेनगिरि बेगम आख्तरआ आहमेद, सालबारि जिल्लानि बिबानगिरि खनिन्द्र ब्रह्म, गागि मावथि आब्दुल रौफ आरो गोबां बिपिएफनि मावथिफोरा बाहागो लादोंमोन ।□

## सालवारियाव बेसेन नाडै मेगन आन्जाद नायनाय बादा खुंदों

गुवाहाटीनि श्रीशंकरदेव नेत्रालयनि डः डेजी पाठक, निशा तालुकदार, सयनिका देबि, परबिन जबिनआ ग्रेटार सालबारि ओन्सोलाव मेगननि बेरामजों नाखेबजानाय नैजौनिबो बांसिन सुबुंफोरनि मेगनखौँ आन्जाद नायखांबाय । मेगन जोथोन लाग्रा मावथिफोर प्रानजित दास, कुमुद फान्डार आरो बिकास बर' बिथांमोनहा मेगन आन्जाद नायनाय बादयाव देहा फाहामगिरिफोरजों हेफाजाब होदोंमोन । फुंबिलिनि १० रिंगानिफ्राय खुंजानाय बे बेसेन नाडै मेगन आन्जाद नायनाय बादाखौँ सालबारि टि सि एल सि सिनि मासिगिरि बिनद मोसाहारिआ बेखेवनानै होदों । बिनद मोसाहारिआ गावनि बिबुंधियाव बुंदोंदि, गोबाव समनिफ्रायनो हादतनि गुबुन-गुबुन ओन्सोलफोराव ब्रै रोजा सुबुंफोरा समाज सिबियारि काजल चौधरिनि दैदेन्नायाव बेसेन नाडैमेगन फाहामथाय मोनगासिनो दइ। सुबुंफोरनि मेगननि नुथायखौँ दान होनायाव काजल चौधरिनि खामानिखौँ गोसो गोथारै बाख्नायनांगोन । बेखेवनाय हाबाफारियाव आलासि महरै इडपिपिएलनि सालबारि जिल्ला कमिटिनि नेहाथारि पुरेश सरकार, लाइमोन इडपिपिएलनि सालबारि जिल्ला कमिटिनि आफादगिरि सत्यजित बर', सालबारि ब्लक आफादनि आफादगिरि सुजित बर' आरो गोबां गेदेमा सुबुंफोरा बाहागो लादोंमोन । फालांगियारि काजल चौधुरिआ खौरां बिजोंनो फोरमायदोंदि, दिनैनि मेगन आन्जाद बादयाव मेगननि बेरामजों भुगिनांनाय गोबां सुबुंफोरखौँ उनाव गुवाहाटीनि श्रीशंकरदेव नेत्रालयआव बेसेन नाडै फाहामथाय होनाय जागोन ।□

<b>टेट्राकटिस खन्थाइ</b>
<span></span>
बां
मुखुब
थानायाव
दिनै आडे
सोदोबनि लैथोयाव थ्वत्त'वासै
नों
नोंनि
बोहैथि
जिउ लामायाव
माला मा जागोन गुमुरथि मोना
<b>-रैदोम बर',</b>
<b>माजदिया, बगुलामारि, बाक्सा</b>

## चिरां जिल्ला एबसु आरो काजलगाव दख'रा एबसुनि १ ९ थि थान्दै ज'खन्थाइया खुंजाबाय

बारग' गाहाइ नेहाथारि आरो आथिखालनि राइज्यो सभानि एम.पि. रोनगोरा नाजरीया । गेवलां मेलाव गाहाइ आलासि महरै बाहागो लायो दुलाराय बर' फरायसा आफादनि आफादगिरि दिपेन बर'आ । गाहाइ आलासि महरै बाहागो लानानै बिथाड बर' हारिनि आथिखालनि समाजारि थासारि, सोलोंथाइनि थासारि आरो थामोन्थानि सायाव गुवारै बिबुंधि लाखिनानै एबसुआ आफादनि थाखानाय थांखि आरो संबिधानखौँ बिथा खालामनानैनो बर' माहारिनि थाखाय खामानि मावलांगोन होननानै फोरमायो । बि.टि.आर गोजोन गोरोबथानि दफाफोरखौँ मावफुंनायाव लासै जादोंब्लाबो मोनसेनि उनाव मोनसे मावफुंनो हादों होननानै आरो मावफुंनो गोनां आद्रा थाबानाय दफाफोरखौँ सरखारजों सावरायनानै आरो नारिसननानै जेसे हायो थाबैनो मावफुंलांनो नाजागोन होननानैबो गावनि बिबुंधिनि गेजेरजों राइजो-राजाफोरनो फोरमायथियो । गेवलां मेलावनो जर'खा आलासि महरै बाहागो लायो बि.टि.आरनि गाहाइ मावफुं सोद्रोमा प्रमद बर'आ । हाबाफारियाव माननि आलासि महरै बाहागो लायो दुलाराय बर' फरायसा आफादनि बोसोगरि खुंखा स्वर्गीयारी, गाहाइ नेहाथारि खनिन्द्र बसुमतारि, हारिमु नेहाथारि सुसिल इस्तारी, सिरां जिल्ला बर' थुनलाइ आफाद, ट्राइबेल संघनि, बर' समाज, सानसुमै, फोरोमगिरिफोर, राइजो-राजाफोर आरो फरायसा-फरायसुलिफोरनि मैखोमै बाहागो लानायजों गेवलां मेला मोजांडैनो जाफुंसार जालाडे ।□

## जोनोम जाजेन्नायनिफ्रायनो खौसेथि बर' सुबुं आफादआ बिटिसिनि बाइजोनि १० लाख...

मनरन्जन बसुमतारिआ बाहागो लानानै जोनोम जाजेननायनिफ्रयनो खौसेथि बर' सुबुं आफादआ बिटिआरनि बाइजोनि १० लाख बर' सुबुंफोरनि रांखान्थि आरो सोलोंथाइ बिथिडव जौगाथाय आरो समाजनि गुबुन गुबुन जेंना-जेंसिफोरखौँ फोजोबनानै जौगाथायनि थाखाय खामानि मावबोबाय थादों आरो हारिनि सार्थआव खामानि मावलांबाय थागोन होन्नानै बुडे । लोगोसे इंराजि २०२० जानेवारी २७ अक्टआव जानाय ३थि गोजोन गोरोबथानि गेजेरजों फैफनाय बर' कछारि अन्साइ गावहायुंआरि खुंथाइनि गामिफोरखौँ सोसन्नायनि खामानियाव खौसेथि बर' सुबुं आफादआ गोखों बिफाव लानांगौ होन्नानै बुंथियो । मख'नो गोनांदि, २०२३ माइथायनि १६ आरो १७ डिसेम्बर खालाराव मिमां नोलोबारियाव खुंफुंजानाय ५थि नै बोसोरारि जथुम्मायाव इडबिपिअनि लेडइ बुंथिगिरि जुनाराम ब्रह्म आरो रांगिरि बिस्त्राम नाज्रारिनि नुजाथिनायाव जथुमनाय थान्दै मेलआव रातिराम बसुमतारिखौँ फिन आफादगिरि, सानसुमा बसुमतारि, रबिन बर', अरुन कुमार बसुमतारि, दिपांकर नाज्रारि, स्वर्गं बसुमतारिखौँ लेडइ आफादगिरि, असक दैमारिखौँ गाहाइ नेहाथारि, समनाथ महिलारि, राजु बसुमतारि, रुपनाथ स्वर्गियारि, सुकुलग्राम ब्रह्मखौँ लेडइ गाहाइ नेहाथारि, तरनि बसुमतारि, सुख्तेस्वर स्वर्गियारि, दानसोरां मोसाहारि, धनन्जय बसुमतारि, हरि बसुमतारिखौँ नेहाथारि, अनिल बर'खौँ बुंथिगिरि, मनज बसुमतारिखौँ लेडइ बुंथिगिरि, गुनेस्वर दैमारि, बखुल बसुमतारि, थलां नाज्रारि, चन्दन बर'खौँ आफादगिरि नेहाथारि, असिन गयारिखौँ थुनलाइ नेहाथारि, फुंबिलि रामसियारि, खुंगुर नाज्रारिखौँ लेडइ थुनलाइ नेहाथारि, घनस्थाम दैमारि, कालिचरण बर'खौँ हारिमु नेहाथारि, बिपुल नाज्रारिखौँ गेलेमु नेहाथारि, प्रदिब रामसियारि, तरासन मोसाहारिखौँ लेडइ गेलेमु नेहाथारि, अनिराम औवारि, रतन मोसाहारि, खुखराम बर'खौँ रांगिरि, भवेन सरगियारि, बिस्वजित बसुमतारिखौँ मावख' नेहाथारि महरै लानानै आरो प्रभात बसुमतारि, मलेन्द्र नाज्रारि, जुनाराम ब्रह्म, सन्तला गयारि, अमल महिलारि, रन्जिद बसुमतारिखौँ बोसोनगिरि महरै लानानै दाफुंजानाय गोदान मावफुं आफादनि बिबानगिरिफोरखौँ खौसेथि बर' सुबुं आफादनि आफादगिरि मनरन्जन बसुमतारिआ समायखिरा लाहोयो आरो लोगोसे गोदान मावफुं आफादनिफ्राय बिबानखौँ आजावो । बिबान आजावखानायनि उनाव धेमाजि जिल्ला खौसेथि बर' सुबुं आफादनि आफादगिरि रातिराम बसुमतारिआ फैब्राय थानाय समाव हारिनि जेंनाफोरखौँ बोस्नांनायाव गांसे माहारियारि आफादफोरजों जथै खामानि मावनो साखा-फारा होननानै बुंथियो ।□

## बर' थुनलाइ आफादनि १८थि बोसोरारि जथुमाया बाक्सानि साउदरभिताआव साननैनै..

जायो । बाक्सा जिल्ला बर' थुनलाइ आफादनि आफादगिरि बिनद स्वर्गियारीआ बेखेव बिबुंधि लाखिनाय गेवलां मेलाव गाहाय आलासि महरै बाहागो लादोंमोन बर' थुनलाइ आफादनि गाहाइ नेहाथारि निलकान्त गयारीआ । आलासि बिबुंधियाव नीलकान्त ग'यारीया बर' बिजोंनि सोलोंथायनि थाखोखौँ जौगाहोनाय बिथिडव बर' थुनलाइ आफादआ गोखोडै खामानि मावगासिनो थानायनि सोमोन्दै फोरमायनायजों लोगोसे बिथाड समाजारि गात्रि गोहोमफोरनिफ्राय जानगाराव थानानै सोलोंथायाव गोसो होनायजों लोगोसे सोलोंथायनि गेजेरजों समाजखौँ सिगांथिं लांनो खावलायो । उनाव खौरां बिजोंजों जानाय मोनसे मोगा-मोगियाव बर' थुनलाइ आफादनि गाहाइ नेहाथारि नीलकान्त ग'यारीआ अजद होदोंदि -हायुंआरि सोलोंथाइ खान्थिखौँ मावफुंनायनि गेजेरजों राइज्योनि बिमा राव बिजोंनि फरायसालिफोरखौँ फोजोबस्त्रानो फावफान्दायनायनि अजद होनानै राइज्योनि सोलोंथाय बिफाना खुंनाय गुनउत्सवआव बर' बिजोंनि थाखो ६ नि बिगियाान आरो सानखान्थि आयदायाव इंराजि सोंथि बिलाइ सेबखांनायखौँ लानानै दुखु मोन्नाय फोरमायो । बिथाड बुंदोंदि, गिबि मन्थि ७ हिमन्त बिश्व शर्मांयाबो समायखिरा लादोंमोन, नाथाय जों बावैसो सिगां गुणउत्सवआव फरायसाफोरनि थाखाय इंराजिआव सोंथि बिलाइ सेबखांनायखौँ गनायनाय नड। जों हेंथा होदों । बर' थुनलाइ आफादनि गाहाइ नेहाथारि नीलकान्त ग'यारीया बुंबावदोंदि, राइज्यो सरकार गावनि समायखिराफोरखौँ फालियाखै । बर' थुनलाइ आफादनि लेडइ आफादगिरि सिताराम बसुमतारीआबो मेलाव आलासि महरै नुजाथिनानै गोदान जोलैखौँ दुथां एवा गात्रि राव बाहायनाय,गात्रि खामानि मावनायनिफ्राय जानगाराव थानो आरो बर' बिजोंजों लोगोसे गोदान जोलैखौँ सोलोंथायनि थाखाय गोसो होनो खावलायो । बे मेलाव बिटिआरनि मावफुं सोद्रोमा रन्जित बसुमतारी, बर' थुनलाइ आफादनि राजेन्द्र बसुमतारी, दिगन्त नाज्रारि, गुवाहाडि मुलुगसोलोंसालिनि लोगो बिबुंगोरा दिगन्त नाज्रारी, सालबारि बियाबनि भवानिपुर बियाबनि एमएलए फनिधर तालुकदारआ बिबुंधि लाखियो । एमसिएलए जय मुसाहारी, बाक्सा जिल्ला एबसुनि आफादगिरि उमेस दैमारि, शालबारी जिल्ला बर' थुनलाइ आफादनि लोगो नेहाथारि दुलेन बसुमतारी, सालबारि बियाबनि टिसिएलसिसिनि मासिगिरि बिनद मुसाहारी, समाज सिबियारि देवेन्द्र बिजय दासमोनहा बाहागो लादोंमोन । □

## कक्राझारआव आसाम हारिमुआरि जांखिथाइमाया जाफुंसारै जोबलांबाय

जानो हायो । बेबायदिनो ज्योति देंखोआव हिमिका देबि (सेथि), सन्जिब कलिता (नैथि) आरो जुनुरानी ब्रह्म, भुपेन्द्र देंखो बादायलायनायाव फौजुंगसार ब्रह्मआ सेथि, हिमिका देबिआ (नैथि) आरो प्रानजित बर'आ थामथि सारियाव देरहानो हादों । रबिन्द्र संगीतआव देवनजन भक्ताचार्यआ (सेथि), रवेश्वर नाज्रारिआ (नैथि) आरो अर्चना सर्रेन (थामथि)आव देरहायो । रंगधाली बिहु टीमआ (सेथि), बिहु डान्स ग्रुप अफ फकिराग्रामआ (नैथि) आरो प्रिन्स डान्स ग्रुपआ (थामथि) १२–१८ बोसोर थाखोआव बिहु मोसानाय बादायलायनायखौँ देरहादोंमोन । हारिसायारि मोसानायाव लौगीं थियेटार हान्जाया (सेथि), अफलागाव प्रभिनसियेलाइन्ड हाइ स्कुल डान्स ग्रुपआ (नैथि) आरो गंगिया बाथौँ हरिमु आफादआ थामथिआव देरहागिरि महरै सायख'जादों । १२–१८ बोसोर थाखोआव बिष्णु राभा देंखोआव भायटिना नाज्रारि (सेथि), रिंकि सुत्रधर (नैथि) आरो रंजालि बसुमतारिआ थामथि सारियाव देरहानो हादों । ज्योति संगीत बादायलायनायाव भायटिना नाज्रारिआ सेथि, बिदुत रयआ नैथि आरो मृलाक्षी कलिताया थामथि सारियाव देरहानो हादों । भुपेन्द्र देंखो बादायलायनायाव काव्यान्जलि दासआ सेथि, बिदुत रयआ नैथि आरो आमैना खादुनआ थामथि, रबिन्द्र संगीतआव देबथान दासआ सेथि, ज्योति सरकारआ नैथि आरो रिंकी सुत्रधरआ थामथि सारियाव देरहादों । दिनै जोबथा साननि सानजौफु समाव बिटिआरनि मावफुं सोद्रोमा रेवेरवा नाज्रिहारिआ हाबाफारियाव बाहागो लादोंमोन आरो बादायगिरिफोरखौँ थुलुंगा होदों । लोगोसे राइज्यो थाखोआवबो कक्राझार जिल्लानिफ्राय मोजां फिथाइ हास्थायनाय बायदि मोन्नो हानानै गोजोन्नाय फोरमायदों । बिथाड जायफोरा सायशख' जायाखै, बिसोरखौँ आरोबाव नाजाबाय थानो खावलायो । देरहानाय बादायगिरिफोरनो मावफुं सोद्रोमा रेवेरवा नाज्रिहारि आरो कक्राझार जिल्लानि कमिसनार प्रदिप कुमार दैभेदिआ फोरमाल्ताइफोरखौँ रान्नानै होयो ।□

# सुनिल दत्तआ मोनसे समाव गावनि बिसि नारगिसनि इन्टारभिउ लादौमोन

बलिउड इन्डस्ट्रीनि मुंदांखा फावगिरिफोरनि गेजेराव सानफाजाग्रा सुनिल दत्त आरौ नारगिसनि मोजां मोनलायनायनि सल' आरौ जुलिआ अरायसम खौराडव थादौं। बिसोर सानैआ आथिखालाव थारैनो जौनि गेजेराव गैला नाथाय बिसोरनि सावथुनफोर, दे'खो आरौ बिसोरनि फाव खालामनायफोर दिनेसिमबो गोसो खांजायो। बेनि गेजेरावनो बिसोरजौं सोमोन्दो गोनां माखासे सोमोथाव जाथाय दड, जायखौ बेवहाय फोरमायनाय जादौं। बे जाथाया बै समनि जेव्हा सुनिल दत्तआ फावखुंगुर नडमोन आरौ नारगिसआ इन्डस्ट्रीनि टप फावखुंगुरिफोरनि गेजेराव



सासे मोन। बिसोर सानैआ सिलन रेडिय'आव मोनसे हाबफारिनि समाव गिबि खेब लोगो मोनलायदौंमोन। बै समाव सुनिल दत्तआ हिर' जानायनि अनगायै सासे रेडिय'

जकिमोन। बै समाव नारगिसनि मोनसे इन्टारभिउ जानो गोनांमोन, जायनि थाखाय फावखुंगुरिआ थि समावनो रेडिय' स्टेशनआव सौहैदौंमोन आरौ बेखौ इन्टारभिउ लानो

थाखाय सुनिल दत्तखौ थिन्नाय जादौंमोन। बेनि उनाव नारगिसआ इन्टारभिउनि थाखाय स्टुडिय'आव नारगिसआ इन्टारभिउनि थाखाय स्टुडिय'आव थानाय लोगो

लोगोनो सुनिल दत्तआ बिखौ नायगोमोयो आरौ बिनीयाव जेबो सौंथि सौंनो हायाखै, मानोना बै समाव सासे गिदिर फावखुंगुरिखौ इन्टारभिउ लानाया सुनिल दत्तनि थाखाय गोबां गिदिर बाश्रामोन। बिसोर सानैनि गेजेराव बाश्रा सावरयनाय जायो आरौ बे बाश्राखौ लानानैनो सुनिल दत्तआ लाजिनानै नारगिसनो मोजाडै इन्टारभिउ लानो हायाखै। बिसोर सानैआ नैथि खेब सावथुन 'दो बिषा जमिन' नि सेटआव लोगो मोनलायदौंमोन। बै समसिमाव सुनिल दत्तआबो इन्डस्ट्रीआव हाबनो थियारि जाखाबायमोन आरौ उथि खेब सावथुन 'मादार इन्डियाआव बिसोर लोगोसेया फाव खालामदौं, जेराव नारगिसआ सन्जय दत्तनि बिमानि फाव खालामदौंमोन। बेनि उनाव बिसोर सानैआ आरौबाव मोन 4 सावथुनफोरव लोगोसेयै फाव खालामदौंमोन, जेराव 'रोक तो रोक लो, लजवन्ति, यह रस्ते हैं प्यार के आरौ यदैंआ दंफायो।

## माहाम देहानि राहा

अरायसम दाहाखौ फिट लाखिनो थाखाय सानफ्रोमबो माखासे मैंगफोरखौ जानांगौ



साफ्रोमबो सुबुंफोर अरायसम फिट आरौ गासै बेरामफोरनिफ्राय जानगाराव थानो हास्थायो। न'फोरव गोबां रोखोमनि मैंगफोरखौ संनाय जायो, जाय देहानि थाखाय गोबां मुलाम्फा गोनां जायो। जुदि नौंथाडबो अरायसम फिट थानो हास्थायोब्ला माखासे मैंगफोरखौ जानांगोन।

(1) ब्रकलि: मैंगफोरखौ जानायजौं नौंथानि देहाया फिट थायो। गोथां मैंगफोरखौ जानाया जौनि देहानि

थाखाय गोबां हेल्डि जायो। देहाखौ फिट लाखिनो थाखाय नौंथाड ब्रकलिखौ जानांगौ। (2) गरसि: गरसि बेगरखौबो नौंथाड गावनि डइटआव लाफादेरनो हायो। बेयो नौंथानि देहाखौ माखासे बेरामफोरनिफ्राय जानगाराव दोनो आरौ देहायाव एनाजिबो मोनहोयो।

(3) पाले: पाले'खौबो जानांगौ। गुसु बोथोरव सुबुंफोर बेखौ जानो गोबां मोजां मोनो। बेयो नौंथानि

देहानि थाखायबो गोबां मुलाम्फा गोनां जायो।

(4) मैखुन: मैखुनखौबो सुबुंफोर जानो गोबां मोजां मोनो। बेयो देहाखौ फिट लाखियो। नौंथाड बेखौ सालादिनि महैरबो जानो हायो।

(5) खपि: खपिखौबो नौंथाड गावनि डइटआव लाफादेरनो। बेवहाय पटेशियाम, केलिशियाम, तांब आरौ मेग्निशियाम थायो, जाय देहाखौ फिट लाखिनो थाखाय गोनांथार जायो।

## सलमान खाननि टाइगर-3 आ थिएटरनि उनाव अटिटिआव रिलिज जायो



जुदि नौंथाडा सलमान खान आरौ केट्रिना केपनि स्माइ थ्रिलर टाइगर-3 खौ थिएटरफोरव नायनो मोनाखै एबा नौंथाड बेखौ गोदाने नायफिननो हास्थायदौंब्ला, बेनि थाखाय जिंगा सिनांगौनि गोनांथि गैला, मानोना बे सावथुनआ थिएटरफोरनि उनाव अटिटि प्लेटफर्मआव रिलिज जाबाय। बावैसो समाव सावथुनआ माबे अटिटि

प्लेटफर्मआव रिलिज जादौं बेखौ फोसावना होदौं। मनि, शर्मानि बिथोन होनाय टाइगर-3 आ 2023 नि 12 नभेम्बरखालि दिवालिनि सानआव सिनेमाहलफोरव रिलिज जादौंमोन। सावथुनआ मोजाडै अपेनि जानो हादौंमोन। सावथुनआ 5 सप्ताहसिमाव सिनेमाहलफोरव थादौं आरौ नख'रारि बक्स अफिसआव गासै 285 कौटि रांखौ

अरजिदौं। थिएटरफोरव मोजाडै रां अरजिनानि उनाव आथिखालाव सावथुनआ अटिटिआव जागावसिमोन। शनिवार एबा 6 जानुवारिखालि थारैनो सलमान खाननि टाइगर-3 आ माबे अटिटि प्लेटफर्मआव जागोन बेखौ फोसावदौं। मख'नो गोनांदि, एक था टाइगर आरौ टाइगर जिन्दा है नि बायदिनो टाइगर-3 आ अटिटिआव टाइगरनि गिखंथाव एकशनखौ नुनो मोन्दौं। हिन्दीनि अनगायै नौंथाड बे सावथुनखौ तामिल आरौ तेलुगुआवबो नायनो हागोन। एक था टाइगर आरौ टाइगर जिन्दा है' नि बायदिनो 3थि बाहागोआबो बक्स अफिसआव हिट जादौंमोन। बे सावथुनआव इमरान हाशमिआ

भिलेननि फाव खालामदौंमोन। सलमान आरौ केट्रिनाजौं लोगोसे इमरानखौबो गोबां बाखायदौंमोन।

## कार्तिक आर्यानजौं लोगेसे तृप्ति डिमरिखौ रमान्स खालामनाय नुनो हागौ



टाइमलाइनआव भुल भुलैया-3 आबो दड। बावैसो समाव कार्तिकनि मोनसे सावगारिया बिथोनगिरि अनिस बन्मिजौं लोगोसे सोराडव फेदौंमोन। मेकासआ मुंदांखा हर-कमेडि फ्रेन्चाइजिनि सिक्वेलखौ रोखा खालामदौं। आथिखालाव हाँवा गाहाइ फावगिरिया रोखा


जाबाय, नाथाय हिन्जाव गाहाइ फावगिरिया रोखा जानो आद्रा दड। फोरमायनाय बायदिब्ला, कार्तिकआ बे खेवआव सासे औरैबायदि फावखुंगुरिजौं रमान्स खालामगोन, जायजौं बिनि जराखौ माब्लाबाबो नुनो मोनाखै। टेलिचक्करनि रिपट'आव दाबि दैखानाय

बायदिब्ला, तृप्ति डिमरिआ भुल भुलैया-3 नि गाहाइ फावखुंगुरि जागोन। बेनि अनगायै बे थार्ड इन्सटलमेन्टआव भिदया बालननि मुडबो सोराडव फेदौं। बे फावखुंगुरिआ तब्बुनि फाव खालामनो हागौ। आथिखालाव मेकासनि फारसेनिफ्राय मावख'आरि स्टेमेट फेनांगौआ

आद्रा दड, नाथाय बेबायदि जायोब्ला रणबिर कापुरनि उनाव कार्तिक आर्यानजौं लोगोसे तृप्ति डिमरिनि रमान्सखौ नुनो मोनगोन। सावथुननि शुटिआ बे बोसोराव मार्च दाननिफ्राय जागायगोन। बेनि सिगां तृप्ति डिमरिनि मुड मुंदांखा स्मॉल्डि फेन्चाइजि सावथुन आसिकी-3 नि थाखाय सोराडव फेदौंमोन। बिथोनगिरि अनुग बासुनि सावथुनआ कार्तिक आर्यानजौं लोगोसे बिनि स्मॉल्डि जरा जागोनआ गोबां खौराडव थादौंमोन। नाथाय सावथुननि प्रडिउसर मुकेश भाट्टआ बे रोखोमनि खौरांफोरखौ नंखाय होन्ना फोरमायदौं। बियो आथिखालाव कार्तिकआल' रोखा जादौं होन्ना फोरमायदौंमोन।

## बिग बस-17 नि अभिषेक कुमारआ बिमानि भिडिअखौ नुनानै गोबां गावदौं

कन्ट'भाशियै ल रिप्लेटी स्व 'बिग बस-17' आव सम-सम दावराव-दावसि जानायखौ नुनो मोनबाय थायो। लोगोसेनो बे दावराव-दावसिया औरैबायदि बाडेदि, सुबुंफोर गावजौं गाव सुथुर जालायनोबो गिखाड। नाथाय बिग बसनि फेनो गोनां एपिसडआव बादायारिफोरनि आलादा महरखौ नुनो मोनगोन। अरायसम दावराव-दावसि जानाय बादायारिफोरनि फेनो गोनां एपिसडआव इमशनेल साइडखौ नुनो मोनगोन। बिग बस-17 आ आथिखालाव जरखा जाहोनाव खौराडव थाबाय थादौं। अभिशेक कुमारनि एक्जिट आरौ उनाव एन्ट्रि जाफिननाया नख'रनि सुबुंफोरजौं लोगोसे फेन्सफोरखौबो गोमोहोदौं। बेनि नगायै भिक्की-अंकिता आरौ मुनव्वार-मनारनि दावराव-दावसिखौबो स्वनि हाइलाइटि प्वाइन्ट जाना नख'रारि सप्ताह जागोन। न'नि सुबुंफोरनो भिडिअ मेसेजबो दिन्थिनाय जादौं। स्क्रिनआव अंकिता आरौ भिक्कीनि बिमा, मनारनि बिनानाव, अभिषेकनि बिमा आरौ इशा मालविय'नि बिफाखौ नुनो मोन्दौं। साफ्रोमबो गाव गावनि फिसाफोरनि गेम गेलेनायनि स्टेटजिखौ बाखायनानै बुडे, गावसोर बिसोरखौ गोसोखाडे।



बिग बस-17 आव आरौबाव कनसे बिक्कीनि एन्ट्री जागोनखौ नुनो हागौ। स्क्रिनआव जेव्हा बिनि बिमानि मेसेजखौ




प्ले खालामनाय जायो अब्ला भिक्कीआ गावनि मेगननि मोदैखौ हमतानो हायाखै। बिक्कीनि बिमाया बुंदौं, गाव

आरौ भिक्कीआ माब्लाबाबो जानगार जायाखै, गाव बिखौ नुनानै गोबां खुसि जागोन आरौ बिखौ लोगो मोनोब्ला गोबाखबगोन। बेनि उनाव अंकितानि बिमानि मेसेजखौबो प्ले खालामनाय जायो, जाय बुडेदि, गाव बिखौ लोगो हमनो सानसे-सानसे समफोरखौ सानगासिनो दड। बेजौं लोगोसेनो मनारनि बिनानाव मितालि हान्डनि बिडिअखौबो दिन्थिदौं, जायखौ स्क्रिनआव नुनानै बियो इमस्नेल जायो।

## एमि एवार्डनि फारिलाइखौ फोसावनाय जाबाय

मुलुगनि मुंदांखासिन फोरबोफोरनि गेजेराव एमि एवार्डनि मुडबो थाफादेरो। बावैसो समाव क्रिएटिभ आर्ट्स एमि एवार्डखौ खुंनाय जादौं, जेराव साबसिन फावखुंगुरफोर आरौ फावखुंगुरफोरजौं लोगोसे सावथुनफोर आरौ सिरिजनो मान होनाय जादौं। बे एवार्ड फांक्सनआ थानाय बोसोराव जानो गोनांमोन, नाथाय हलिउड एसएजि-एफटिआरएनि दर्ना होनायनि उनाव बेखौ फेलें खालामनाय जादौंमोन। आथिखालाव थारैनो बे एवार्ड फांक्सनखौ 2024 नि 6 जानुवारियाव लस एन्जिल्सनि पिकक थिएटरआव खुंनाय जादौं। बे एवार्ड नाइटआव



माखासे वेब सिरिज, सावथुनफोर आरौ स्टारफोरनो मोजां खामानि मावनायनि थाखाय मान होनाय जादौं। एमि एवार्डनि उडनार

फारिलाइआबो सोराडव फेदौं। क्रिएटिभ आर्ट एमि एवार्डनि फारिलाइफोरबेस्ट गेस्ट फावखुंगुर महैर (कमेडि सिरिज) सेम

हडडी गॅंस अफ वासेपुर, बजरंगि भाइजान आरौ किक बायदि सावथुनफोरव गावनि फाव खालामनायनि रोंग'थिखौ दिन्थिखांनाय नवाजुद्दिन सिद्दीकीआ

आथिखालाव तेलुगु सावथुनआव दोहो सौंमिज होसिगोन। नवाजुद्दिनआ फेनो गोनां सावथुन 'सेन्धभ' जौं तेलुगु सावथुनआव डेव्यु खालामसिगोन। शोले श कलानुनि बिथोन होनायाव बानायनाय पेन इन्डिया एक्शन थ्रिलर 'सेन्धभ' आव फावखुंगुर भेम्कटेश आर्य, श्रद्धा थ्रिनाथ, रुहानि शर्मा आरौ जिशु सेनगुप्ताखौ गाहाइ फावआव नुनो मोनगोन। सावथुनआव नवाजुद्दिन सिद्दीकीआ सासे भिलेननि फाव खालामदौं। बे सावथुननि थाखाय नवाजुद्दिनआ तेलुगु रावखौ सोलौंदौं आरौ गावनो राव दानस्लायदौं। बावैसो समनि मोनसे इन्टारभिउआव नवाजुद्दिनआ सावथुन 'सेन्धभ'नि शुटिनि समनि मोनसे जाथायखौ शेयार खालामदौं। बियो फोरमायदौंदि, बे सावथुननि शुटिनि समाव गाव



नावनिफ्राय गोल्लैसिगौमोन, जेराव खुनुरुखुमै रैखाथि मोन्दौंमोन। गावसोर श्रीलंकायाव शुटिं खालामदौंमोन आरौ गाव नावनिफ्राय गोल्लैसिगौमोन। गावसोरनि लामायाव मोनसे गिदिर दोहौं फेदौंमोन आरौ गाव गोल्लैनायनिफ्राय खुनुरुखुमै रैखाथि मोनो। गाव नावनिफ्राय बारनाय बायदि जादौंमोन। खाफाल मोजांदि, गाव लैथोनि अनगायै नावनि सिडव गोल्लैयो। जर'खा बाथाया बेदि, थासारिया

केमेरायाव सेबंखांजादौं आरौ बिथोनगिरिया सावथुनआव मोनसे शटनि महैर दोन्दौं। गाव नायगिरिफोर बेखौ मोजां मोनगोन होन्ना शर्ट लागायदौं। नवाजुद्दिन सिद्दीकी आरौ भेन्कटेशनि फेनो गोनां सावथुन 'सेन्धभ'नि ट्रेलारखौ माखासे सान सिगांनो रिलिज खालामदौं। बेवहाय भिलेन जानाय नवाजुद्दिनआ अरायसमनि बायदिनो बे खेवआवबो गावनि दोहौं गोनां पारफर्मन्सजौं सुबुंफोरनि गोसोखौ देरहादौं।

# भाइब्रेन्ट गुजरात जथुम्मानि थाखाय इउ.ए.इ.नि हादतगिरिया भारत दावबायफैगोन

गोदान दिल्ली, 7 जानुवारी :2024 बोसोरआ भारत आरो इउ.ए.इ. सोमोन्दोनि थाखाय गोदान जौगाथाय लाबोनो थियारि, मानोना मोन्नेबो हादतनि सोमोन्दोआ बोसोरफ्रोमबो खाथिसिनाव फे गसिनो दं। थांनाय 1 दिसेम्बराव गाहाइ मन्थि नरेन्द्र मदिआ सि.अ.पि. 28 जथुम्मायाव बाहागो लानो सानसेनि थाखाय दुबाइ थांनायनि उनाव इउ.ए.इ.नि हादतगिरि शेख महम्मद बिन जायद अल नाहयानआ 9 जानुवारियाव भाइब्रेन्ट गुजरात जथुम्मानि गाहाय आलासि महेरे भारत दावबायफै गोन। मख'जाथावदि, गाहाइ मन्थि मदीआ फिन खेबसेबाव आबु धाबीआव बीएपीएस हिन्दु थानसालिखी बेखेवओ आरो जायद स्टेडियामाव मोनसे हारियारि हाबाफारि अहलन मदीआव बाहागो लानो थाखाय दावबायनायनि हाबाफारि दं। गाहाइ मन्थि नरेन्द्र मदिनि दैदेनायाव थांनाय माखासे बोसोरफोराव गाल्फ हादोरजों बादायलायनाया बांदों, मानोना सिगाडाव बेयो मोनसे बायगिरि - फानग। सोमोन्दोल'मोन। जेराव भारतआ गाल्फ हादतनिफ्राय गोहो बाययोमोन, नाथाय दा बेयो गोहो आरो आदार रैखाथिजों सोमोन्दो थानाय आयदाफोरनि बाहागोदारिआव इउ.ए.इ.जों लो गो जाबाय। मोन्नेबो हादतआ बावैसो सिगां



गावजों गाव खाथियाव फेदोंमोन आरो बेखौ गाहाइ मन्थि नरेन्द्र मदिआ शेख जायदजों रानलायनाय सोमोन्दोनि गेजेरजों नुनो मोन्दों। 9 जानुवारियाव गाहाइ मन्थि मदिआ आहमेदाबाद बिरखं गाथोनाव इउ.ए.इ.नि हादतगिरिखो बरायगोन। बिन उनाव सानैबो दैदेनगिरिफोर। गान्धी आश्रमसिम मोनसे रड स्व' जागायगोन। भाइब्रेन्ट गुजरात जथुम्मायाव इउ.ए.इ.नि फालांगि रायजो मन्थि थानी बिन आहमेद अल जेयुदी आरो गाल्फ हादतनि मोनसे आबु थानै हानजा फालांगियारि सुबुं समाजआबो बाहागो लागोन। बेखौबो मोन्दाथि खालामनाय जादोंदि, इउ.ए.इ. नि हादतगिरिनि भारत दावबायनाया गोदान गोदान गोहो (सलार, हाइड्रजेन आरो ग्रिड कनेक्टिविटी) आरो फुड पार्कफोरनि लुनाय, भारत-इउ.ए.इ. गुवार रांखाथियारि बाहागोआरि गोरोरथाखौ

बाहोनाय सावस्त्रि जोथोननि बिथिडव गोरोरथायाव सागान होनायबो नुनो हागौ। भाइब्रेन्ट गुजरात जथुम्मानि बायजोआव इउ.ए.इ.-भारत फालांगि जथुम्माबो बिथांखि लानाय जादों। मोन्नेबो हादतआ बोसोरनि गेजेरारि फालांगिखो 100 बिलियन आमेरिकानि डलारसिम गोखे जौगाहोनाय आरो फेगौ बा बोसोराव 15 बिलियन आमेरिकानि डलारसिम सिबिथायनि फालांगि खालामनायनि दिग फारसे आगानसे आवगायलांगोन। थांनाय बोसोरनि जुलाइ दानआव गाहाय मन्थि नरेन्द्र मदीनि इउ.ए.इ. दावबायनाया इउ.ए.इ.-भारत दरने हादतनि सोमोन्दोखौ गोथोसिन खालामनायाव मख'जाथाव माइलखुन्थिया दिन्थिदोंमोन। बिथानि दावबायनाय समाव, मोनथाम गोरोरथायाव सागान होनाय जादोंमोन। गिबि एम.अ.इउ.खौ सोमोन्दो गोनां मिरुआरि बेंकफोरनि

गभर्नफोरजों सिमा वारनाय लेनदेननि थाखाय जायगायारि रानि बाहायनायखौ थुलुंगा होनो थाखाय मोनसे फ्रं मवर्क गायसन्तो थाखाय सागान होनाय जादोंमोन। नैथि एम.अ.इउ.आ रां होनाय आरो मेसेजिं खान्थिफोरखौ फोनांजावनायजों सोमोन्दो दंमोन आरो जोबथारनायाव, आबु धाबीआव भारतरियारि बिरोंदामिन फसंथान-दिल्लीखौ गायसन्नायनि थाखाय मावथांखिफोर गायसननाय जादोंमोन। 2022 मायथाइयाव, मोनब्रे-हादत हानजानि गिबि जथुम्मा, जेराव भारत आरो इउ.ए.इ.आ सोद्रोमा हादतफोर, गासै भारतआव खौसे जाग्रा पार्कफोरनि मोनसे फारि जौगाहोने आरो गुजरातआव 300 मेगावाटनि हाइब्रिड गोदान गोहो मावथांखि गायसन्तो थाखाय 2 बिलियन आमेरिकानि डलार रां थिसननायनि फोसावदोंमोन।

# रासियानि मिसाइलजों गाग्लोबनायाव इउक्रेननि सा 12 सुबुंफोरनि जिउ ख'हा

मस्क', 7 जानुवारी : सान्जा इउक्रेननि सहर पक्रवस्क आरो बेनि खाथि-खालायाव शनिबारखालि गंसे रासियानि मिसाइल गाग्लोबनायाव सा 11 सुबुंफोरनि जिउ गोमायो। डनेटस्क' ओन्सोलाव इउक्रेनजों सामलायजानाय बाहागोनि गभर्नर भादिम फिलारिककानआ बेखौ रोखा खालामदों। रासियानि बे गाग्लोबनायनि उनाव गावनि फिनजाथाइखौ होनाने इउक्रेननि हादतगिरि भल'डिमिन जेलेनस्किक आ फोसावनाय भिडिअआव बुंदोंदि, रासियानो ओरैबायदि गाग्लोबनायखौ मोन्दाथिहोनांगौ। रासियाआ सरासन्सा गाग्लोबनायाव सरासन्सा सुबुंफोरनि न'-बांखौबो थांखिदों। फारसेथि गभर्नर भादिम फिलारिककानआ बे गाग्लोबनायनि सावगासिखौ




पस्ट खालामो, जेराव रैखाथि हान्जानि सुबुंफोरा खोमसियाव खामनाय हाथफलाजों लो गोसेनो खामनाय गरि म थ र फ े र ख ै नायबिजिरासिनो। गभर्नरआ बुंदोंदि, बे गाग्लोबनायाव एस-300 मिसाइलफोरजों गाग्लोबदों। बिथाडा बुंदों,

रासियाआ बे गाग्लोबनायनिफ्राय रोखा जायोदि, बियो जॉनि हायाव मिसाइलफोरखौ गावहरनाने नाजादों। अदेबानि बेनि सायाव रासियाआ रैखाथि मावख'निफ्राय जेबो फिनजाथाइ होयाखै रासियाआ

क्रिमिया प्राइद्विपआव इउक्रेननि मिसाइलफोर आरो डूनफोरनि मोनसे सेरिसखौ ब्लेक सिआव गावखलायदों। फारसेथि इउक्रेनआ खारक्वीभ ओन्सोलाव रासियानि सा करियानिफ्राय बायनाने लांनाय मिसाइलफोर बाहायनायखौ लानाने खेंफोरथि होदों।

## आमेरिकायाव जेएन.1 साव भेरिएन्टनि जाहोनाव करनानि केसआ बांदों

नियुक्क', 7 जानुवारी : बेराम सामलायग्रा आरो होबथाग्रा मिरु (सिडिसि) नि हमदांनाय बायदिल्ला, कभिडनि जेएन.1 भेरिएन्ट आमेरिकायाव गोबां गोसारदों आरो बेनो गासै कसा केसनि 62 जौखोन्दो पजिटिभ केसनि थाखाय दायनिगिरि जानानै फेदों। सिडिसिनिफ्राय थानाय शनिबारआव फोसावनाय बायदिल्ला, 55 निफ्राय 68 जौखोन्दो केसफोरनि सिमाखौ हमदांनाय जादों। क्रिसमासनि



सिगां आमेरिकायाव 39 निफ्राय 50 जौखोन्दो केसफोरनि जोबथा डोटानिफ्राय बेयो बांसिन। थांनाय सप्ताहायाव 34,800 गोदान कभिड बेरामिफोरखौ देहा फाहामसालियाव थिसन्दों। बेयो सिगांनि अन्जिमानिखुइ देहा फाहामसालियाव बांसिन जादों

आरो थैनायनि हारआबो 12.5 जौखोन्दो बांदों। मोनसे गुबुन अन्जिमानिफ्राय मिबथिनो मोन्दांदि, आमेरिकाया कभि-19 भाइरेल जानाया जोबोद बांसिन। अदेबानि सिडिसिनि बुनाय बायदिल्ला आथिखालाव जेएन.1 आ गोब्राब बेरामनि जाहोन जानानै फेनायनि जेबो

फोरमान मोन्नाय जायाखै। एजेन्सिया बेखौबो मिबथिनो हादोंदि, आथिखालनि भेक्सिनजों जेएन.1 नि हेंथायै रैखाथिखौ बांहोने हानायनि आसा दड। अदेबानि गगा-गुजुनाय, मोदोम दुनाय, लोमजानायजों लो गोसे गुबुन देहायारि बेरामफोर जानायखौ बांसिन नुनो मोन्दों। गोखैयै गोसारनायनि जाहोना डब्लिउ एचअनि गेजेरजों जेएन.1 खौ भेरिएन्ट अफ इन्टोरेस्ट महेरे रोखा खालामदों, जाय आथिखालाव दर 41 हादतफोरव गोसारनाने दड। बेनि गिबि केसखौ थांनाय बोसोरनि आगस्टआव लाक्जामबाग'आव मोन्दांमोन।

# इज्राइलनि उरां जाहाजजों गाग्लोबनायाव सा 6 फिलिस्ताइनफोरनि जिउ गोमादों

इज्राइल, 7 जानुवारी : इज्राइल-हामासनि गेजेराव दावहाया दासिमबो सोलिगासिनो दड। फारसैथिजायनिफ्राय लान्थियै उरां जाहाजजों बम गावगासिनो दड। बेनि गेजेरजों फिलिस्ताइननि सावस्त्रि बिफाना रबिबार फुडाव बुडोदि, वेस्ट बेंकनि जेनिनआव मोनसे इज्राइलनि उरां जाहाजजों गाग्लोबनायाव सा 6 फिलिस्ताइनफोर थैयो। बे गाग्लोबनायाव जेनिनयाव नोगोरारिफोरनि मोनसे सभाखौ नोजोर होदों। फिलिस्ताइननि सावस्त्रियारि बिबानगिरिफोरा

बुनाय बायदिल्ला, शनिबारखालि खोला गाजापट्टीयाव खान इउनिसनि अल-नब्रिस नख'रनि गंसे न'आव इज्राइलनि उरां जाहाजआ गाग्लोबो। बे गाग्लोबनायाव आइजोफोरजों आरो गथ'फोरजों लो गोसे सा 7 फिलिस्ताइनफोरा थैयो आरो गोबां जोखोम जायो। इज्राइलनि सान्थिया सा गाजापट्टीयाव हामासनि कामान्ड गुदि बिथाखौ आबुडै फोजोबो। बे ओन्सोलाव इज्राइलनि सान्थिफोरा गासै 8 उतखारिफोरखौ फोजोबसांबाय। थांनाय 7



अक्टबरआव गाजानिफ्राय हामास उतखारिफोरा इज्राइलनि सायाव गाग्लोबनायनि उनाव इज्राइलआ उतखारिफोरनि केम्पफोराव गाग्लोबनायखौ जागायो। दासिमबो हामासआ सा 240 निफ्राय 132

सुबुंफोरखौ बेंखनना लाखिदों। सावस्त्रि बिफाननि बायदिल्ला, इज्राइल सान्थिफोरनि गेजेरजों बम गावनाय आरो हाजों नायबिजिरनायाव दासिमाव गासै सा 22,722 सुबुंफोर थैबाय आरो थैनायफोरनि

गेजेराव बांसिनानो आइजो आरो गथ'फोर।

## सा भारतआव गुसु जानायनिफ्राय रेहाय मोन्नो हायाखै

गोदान दिल्ली, 7 जानुवारी : सा भारतआव बोथोरआ गुसु जानाया सोलिबाय थार्दों। हाजो ओन्सोलाव बरफ गोलैनायनि जाहोनाव बिदुडा दिदोम बिन्दोनिफ्राय गाहायाव थार्दों। फारसेथि दिल्ली आरो खाथि-खालानि हायेन ओन्सोलफोराव अख्रांआ स्रां जासेयावबो सान्दुं ओंखाराखै। थांनाय माखासे साननिफ्राय बे थासारिया सोलिबाय थार्दों। बोथोर बिफाननि बायदिल्ला हा सा बाहागोनिफ्राय 100-150 मिटरनि गोजोआव खुवा खुनायजों साननि जॉनाया मोजाडै हा सा बाहागोसिम सौहेनो हायाखै। बेनि जाहोनाव कल्ड डेनि थासारिया सोलिबाय थार्दों। दिल्लीयाव मेक्सिमम बिदुडा 15.2 डिग्रि सेल्सियास बाडइ जादों। मिनिमम बिदुडा

8.9 डिग्रि सेल्सियास जादों, जाय सरासन्सानिफ्राय नै डिग्रि सेल्सियास बांसिन जादों। रबिबारनि फुंआव गेजेर थाखोनिफ्राय रोजा थाखोनि खुवा खुदों। साननि समाव अख्रांआ स्रां जादों। बोथोर बिफाननि बायदिल्ला फेगौ सप्ताहायाव सोनाबारि नारसिन्थाया सांग्राडै थगोन। बेनि जाहोनाव समबार्निफ्राय बुधबारसिमाव 3 सान अख्रांआव जोमै साग्लोबसारनो हागौ। माखासे जायगाफोराव सरासन्सा अखा हानो हागौ। बोथोर बिफानयारि बिथोनगिरि कुल्दिप श्रीवास्तभआ बुंदोंदि, पान्जाबनिफ्राय सान्जा उतर प्रदेशसिम हा सानिफ्राय 100-150 मिटरनि गोजोआव खुवा खुनाया सोलिदों। बेनि जाहोनाव गोसा सान्दुं दुनो हायाखै।



2019 नि डिसेम्बर दानाव लान्थियै 18 सान दिल्लीयाव सान्दुं दुडाखै मोन। उतर प्रदेशआव रबिबार आरो समबार्खालि लक्ष्मोंजों लो गोसे दर 55 जिल्लाफोराव रोजा खुवा खुगोननि सन्देह' खालामनाय जादों। नै सान सान्दुं आ सान्जौफु नि उनाव जोमै सिनखावनाने नुजाथिगोन। बे समाव हरनि बिदुडा 12 डिग्रिब्ला साननि बिदुडा 16 डिग्रि सेल्सियासनि खाथियाव

थागोननि सन्देह' दड। शनिबारखालि लक्ष्मों आरो खाथि खालानि जिल्लाफोराव एसे अखा हादों। 9 जानुवारीयाव रजथाननि बोथोर आरोबाव खनसे गोदाने सोलायगोन आरो सरासन्सानिफ्राय गेजेर थाखोनि अखा हागोनखौ सन्देह' खालामनाय जादों। उतरखान्डीनि हायेन ओन्सोलनिफ्राय लानानै हाजो ओन्सोलसिमाव बोथोर गुसु जाना थार्दों।

# आथिखालाव कार आरो पार्सनेल लन लानाया बेसेन गोसा जाबाय

गोदान दिल्ली, 7 जानुवारी: हम लनखौ नागारसानै रिटल लन लानाया बेसेन गोसा जागासिनो दड। लनयाव सुटनि बिबां बांनाया जागायबाय। माखासे बेंकफोरा गावसोरनि मार्जिनेल कस्ट अट' लन लानाया बेसेन गोसा जाबाय। हादतनि बयनिखुइ देरसिन पाब्लिक सेक्टर बेंक एसबिआइआ अट' लनखौ बेसेन गोसा खालामदों। जेराव डिसेम्बरसिम एसबिआइ अट' लनआ 8.65 जौखोन्दोनि जागायनाय सुटनि बिबांजों अफार खालामगासिनो दडमोन। बेराफारसे, आथिखालाव बेनि बिबांखौ बांहोनाने 8.885 जौखोन्दो खालामबाय। हाइ क्रेडिट स्कर



गोनांफोरनो अट लनखौ बे सुटनि बिबाडै होनाय जागासिनो दड'। एसबिआइजों लो गोसे बेंक अफ बडौदाआबो लननि थाखाय सुटनि बिबांखौ बांहोदों। थांनाय दानाव बेंक अफ बडौदाआ अट' लननि थाखाय 8.7 जौखोन्दो बिबांजों सुट लाबाय थार्दोंमोन। बेराफारसे, आथिखालाव बे सुटनि बिबांखौ बांहोनाने 8.8 जौखोन्दो खालामना होदों। बेंक अफ बडौदाआ गावनि प्रसेसिं फिसखौ लानाने गोदाने सोलायहोदों। एसबिआइ आरो बेंक अफ बडुदानि अनगायै इडनियन बेंक अफ इन्डियनि मुडबो बे फारिलायाव दंफायो। इडनियन बेंक अफ इन्डियाआ अट' लननि थाखाय सुटखौ बांहोदों। बे पाब्लिक सेक्टर बेंकआ 9.15 जौखोन्दोजों कार लननि

अफार खालामगासिनो दड आरो बेनि सिगां कार लननि थाखाय बेंकनि फारसेनिफ्राय सुटनि बिबांखौ 8.75 जौखोन्दो लाखिदोंमोन।

## तानाशाह किम जंनि बिनानाव किम य जंआ सुथुरनो सांग्रांथि होदों

गोदान दिल्ली, 7 जानुवारी : सा करियानि तानाशाह किम जं उननि गोहो गोरा बिनानाव किम य जंआ रबिबाराव बुडोदि, हादतनि सान्थि या जायथिजाया थुनज्जालयनायनि थासारियाव गोखों फिनजाथाइ होगोन। बे बाथाखौ राइज्यो मिडिया केसिएनएआव मिबथिहोदों। मख'जाथावदि, बावैसो सिगां



खोला करियानि सान्थिया बुंदोंमोनदि, सा करियानिफ्राय शनिबारव जेना गोनां लैथोमा

सिमनानि साखाथियाव 60 नि बांसिन तपखाने बमा गावहरदों। बेनि उनाव

फिनजाथाइ होना गुलि गावगोन। बेजों लो गोसेनो किमआ शनिबाराव गुलि गावनाय बाथाखौ नेवसिगारो आरो बुडोदि, खोला करियाआ सिखावै बमखौ गावहरदों। अदेबानि खोला करियाआ तपखानेनि गुलि गावहरनायनि फिननायाव शुक्र बारखालि लैथोमायाव गावसिनि अगिन हुदा खालामो।

# एप्रिलिया आर एन 457 खौ भारतआव थाबैनो मोन्नो हासिगोन

गोदान दिल्ली, 7 जानुवारी : इतालि गारि बानायग्रा कम्पनी एप्रिलिया आ साखा खबनै सेगमेन्टआव गारि बानायनायनि थाखाय मिबथिसारजानाय। थानाय बोसोरनि डिसेम्बरआव कम्पनीआ एप्रिलिया आइएस 457 खौ भारतआव लन्व खालामदोमोन। बे बाइकखौ पिप्याडियनि बरामतियाव थानाय गावयारि प्लान्टआव बानायनाय जादों। बे बाइकनि डिजिलभारिया थाबैनो जागायगोन। बेनि बेसेन आरो फिचर्सनि बागै जौ मिबथिलानोसै। एप्रिलियानि बे बाइकनि डिजाइनखौ नायनायाव डेन्जर युगो आरो बेयाव जाय फिचर्सखौ होदों, बेयो गारिखौ जर 'खासिन खालामो। स्पर्ट डिजाइननि बाइकआव टर्न सिग्नलसजौ लोगोसे एलइडि




हेडलेम्प होनाय दड। लोगोसेनो डिआरएलजौ एलइडि टेलपेम्प होनाय दड। फिचर्सनि बाध्रा बुडोब्ला, बेयाव आन्डारबेलि एन्जास्ट, शर्ट टेल सेक्शन रियार सेट फुट पेम्स आरो स्पर्ट बडी ग्राफिक्स होनाय जादों। फारसेधि

बेयाव 5 इन्सिन टिएपटि स्क्रीन होनाय दड, जाय ब्लुटुथ कानेक्टिभिटिखौ सापट खालामो। ट्रेक्सन कन्ट्रोल आरो क्विकशिफ्टरजौ लोगोसे 2 इन्सिन टिएपटि स्क्रीन होनाय जादों। एप्रिलिया आइएस 457 आर 457 सिस्नि लिंकड कुल पेसलल

डिअइचसि इन्जिन लागायदों। बे इन्डिआ 9,4000 आरपिएमआव 47.58 बिइएटिपिनि पावार आरो 6,700 आरपिएमआव 43.5 एनएमनि पिक टर्क सोमजिहोयो। अन्जिनखौ 6 स्पीड गियारबक्सजौ सरजाबनाय जादों। फिचर्सनि बाध्रा बुडोब्ला, बेयाव आन्डारबेलि एन्जास्ट शर्ट अयेल सेक्शन, रियार सेट फुट पेम्स आरो स्पर्ट बडी ग्राफिक्स होनाय जादों। 5 इन्सिन टिएपटि स्क्रीन होनाय जादों, जाय ब्लुटुथ कानेक्टिभिटिखौ सापट खालामो। ट्रेक्सन कन्ट्रोल आरो क्विकशिफ्टरजौ लोगोसे 3 इन्सिन टिएपटि स्क्रीन होनाय जादों। फारसेधि

# जापानआव आरोबाव खेबसे 5.1 गोख्रैथिनि बांघि मावदों

टकिय, 7 जानुवारी: जापानआव आरो खेबसे गोख्रौ बांघि मावदों। जिएफजेड जार्मनि रिस्सार् सेन्टर फर जियसाइन्सेजआ बुडोदि, रबिबारखालि जापाननि हंसुनि सोनाब बोर्नि खाथियाव रिक्टर स्केलाव 5.1 गोख्रैथिनि बांघि मावदों। आथिखालाव बांघिनि उनाव जेबो रोखोमनि खहा जानायनि खौरां नुजाथियाखै। दासिमबो बेनि आपडेटखौ नेगासिनो दड'। जापाननि नट द्वीप हन्जायावबो थानाय शनिबारखालि 4.4 गोख्रैथिनि बांघि फेदोंमोन। बोथोर एजेन्सिनि बायदिब्ला, बे बांघिया हरनि 11:20 रिगायाव



मावदोंमोन। अदेबानि 1 जानुवारीनिफ्राय लांथिये जापाननि हाया मावगसिनो दड'। मख 'ने

गोनादि, थानाय जानुवारियाव हादतआव फेनाय गिख्रैथाव बांघिनि उननिफ्राय बेयाव सुबुंफोर गिखादों।

लोगोसे बोथोर बिफाननि फारसेनिफ्राय सांघ्राथि होदोंदि, फेगौ माखासे सानफोरव माखासे बांघि मावगोन आरो माखासे गिख्रैथाव बांघिखौ मोन्दांनो हागौ। मिथिनो मोन्नाय बायदिब्ला, 1 जानुवारी एबा गोदान बोसोरनि सानाव 7.6 गोख्रैथिनि बांघिया हादत नाडै गोबां जोबसांनाय सोमजिहोदोंमोन। बे समाव माखासे जायगाफोरव अर नाडो, गला-न'फोर सिलिंखार जायो आरो बिफां-लाइफांफोरा गुदोंमोन। बे बांघिनि जाहोनाव दासिमव सा 126 सुबुंफोरनि जिड गोमाखांवाय

## गोदान जोलैनि बक्सारफोरा खेबसे सेम्पियन जानायावनो गोजोनाय दं, आरोबाव हाबिलास गोसो थाया: मेरि कम

गोदान दिल्ली, 7 जानुवारी : भारतनि गेदेमा आइजो बक्सिं गेलेगिरि एम.सि. मेरिकमआ हमदांनो हादोंदि, गोदान जोलैनि बक्सारफोरनि गेजेराव गोसोनि आंखाल दं। बिथाड बुदोंदि, आं 41 बोसोर बैसोआवबो 'सुपर फिट'। मेरि कमआ दथि खेब बुहुमनां चेम्पियन। दथि खेबनि बुहुमनां चेम्पियन बक्सार एम.सि. मेरि कमआ मोन्दादोंदि, गोदान जोलैनि एथलीटफोरनाव जाफुंसार जानो थाखाय रोखोमसे थुलुंगा गैया मानोना बिसोरो मोनसेल' गिदिर जाफुंसारनायजों गोजोनाय मोनो। अलिम्पिक ब्रन्ज मेडल देरहागिरि बिथाड बेखोबो बुदोंदि, गाव 41 बोसोर बैसोआवबो सुपर फिट आरो 'बासिन मोनफुनाय' नि



गोख्रौ गोसो दं। मेरि कमआ फे बाय थानाय समाव जिउराहायारि जानायनि खाबुखौ नायगसिनो दं। बिथांजोआ सनिबारव मोनसे हाबाफारिनि बायजोआव

बुदोंदि, आं (बक्सिं) बुलायनायनि (गेलेनाय) थुलुंगाया खालि मेरि कमआवल' दं। आंहा गुबुन गेलेमु हाथखिफोरनिफ्राय माबा मोनसे रुजुजायै दं। आं 41

बोसोर जाबाय, आं बे बोसोरनिफ्राय जायखिजाया गेजेर हायुआरि बादायलायनायाव बाहागो लानो हानाय नड मानोना बैसोनि सिमा दं।

जायखिजायामानो, आं आंनि गेलेनायखौ से, नै एबा थाम बोसोरसिम सोलिहोवाय थानो लुबैदों। रोग'सार गेलेगिरिया बुंवावदोंदि, जेब्ला गाव बक्सिं जागायजेन्दोंमोन अब्ला गेलेनायाव बासिन सुबिदाफोर आरो खाबुफोर थासेआवबो, आथिखालनि जोलैनाव थोजासे थुलुंगा गैया। दथि खेब बुहुमनां चेम्पियनशिप देरहागिरि बिथाड बुदोंदि, आं जोबोद फिट, आं बासिन मोनफुनो लुबैदों, आंहा बै उखैनाय दं। आथिखालनि समनि लाइमोन फोलेरा खेबसे चेम्पियन जानायावनो गोजोनाय मोनो। जुदि, आं बायदि, बिसोरनावबो बै गोसो आरो उखैनाय दं, अब्ला जौ जौनि हादतआव बासिन मेडल मोनगोन होत्रानै मेरि कमआ बुदोंदि।

## टाइटानिक जाहाजनिखुइबो 5 गुण देरसिन मुलुगनि देरसिन क्रुज शिपनि सुबिधाफोरा सोमोनांथाव

आथिखालाव गोबां औरैबायदि क्रुजफोर दंसे, जाय गावनि गुण आरो सुबिधाफोरनि जाहोनाव मुलुगनाडेनो मुदंखा। बिबिन्दो गंसे क्रुज शिपआ आथिखालाव सावरायजानाय आयदा जानाने दड। बेखौ मुलुगनि देरसिन क्रुज शिप होन्ना बुंनाय जादों, जायखौ टाइटेनिक जाहासनिफ्रायबो 5 गुण देरसिन होन्ना बुदों। बेनि मुआ जादों रयाल केरेबियान, जेराव खेबसेयावनो सा 5000 दावबायारिफोरा दावबायनो हागौ। डेलिमेलनि रिपर्टनिबायदिब्ला, 5000 दावबायारिफोरखौलानाने खेबसेयानो लानो हानाय बे क्रुज शिपनि साइजआ गंसे फिसा सहरजौ समान। बेयाव होनाय लागजारि सुबिधाफोरनि बागै खोनायोब्ला, नोंथाड सोमोनांगोन। बे गिदिर क्रुज शिपआव गंसे गिदिर लैथोमा वाटरपाक दड, जायखौ मुलुगनि बयनिखुइबो देरसिन लैथोमा वाटरपाक होन्ना बुंनाय जादों। मिबथिनाय जायो, जेराव 6 रिक्डै ब्रेकिं वाटर स्लाइड दड। बेफोरनि अनगायै बेयाव एपिक नियार-वाटिकल ड्राप्सजौ

लोगोसे गिबि फेमिलि-रफ्ट स्लाइडबो दड। क्रुज शिपआव 7 पुल आरो 9 व्हलपुलबो दड। जाउनाव बेयो गुबुन क्रुज शिपफोरनिफ्राय आलादासिन जानाने फेदों। सोलिफु जानुवारी 2024 आव लन्व खालामजानायनि उनाव रयाल केरेबियान शिपआ मुलुगनि देरसिन क्रुज जाहाज जायो, जायखौ आइकन अफ दा सोज आरो वान्डर अफ दा सीजबो बुंनाय जायो। बेयो 365 मिटर गोलाव आरो 250,800 टन लिस्थाइ। जेराव स्मान्स एबा इन्जय खालामनायनि गसिबो लाहार-फालार खालामनाय दड। सोमोनांथाव बाध्रादि, बे क्रुज शिपनि गोलावआ एपिल टावारनिखुइबो गोजौसिन। बे जाहाजखौ 20 डेकआव रानाय जादों, जाहाथे रंजा-बाजायाव जेबो ख'हा जाया। सरासन्हायै बे क्रुज शिपआव गोबां स्पेशेल दड, नाथाय वाटरपाकनि अनगायै बेयाव लाउन्जार, एक्वापाक, स्नेकवार, गोबां रेस्टुरेन्ट, एक्वा डर्मनि दै बाचुर्मनि श्व' आरो मोनसे आइस रिक् रमानिक सुबिधाफोर होनाय दड।



**गुन'त्सव 2024**  
सोनगोनां सोलोथाइ रोखा खालामनायनि मोनसे नाजानाय



**आसाम सरखार**  
फरायसालि सोलोथाइ विफान



**ड° हिमन्त विश्व शर्मा**  
गिबि मन्थ्रि, आसाम

**फरायसालिनि अनजिमा : 14,769**

- सरखारि/सरखारि खालामजानाय फरायसालि मडेल फरायसालि
- साहाबागान ओनसोलनि मडेल फरायसालि
- कस्तुरबा गान्धी बालिका बिद्यालय
- नेताजी सुभाष चन्द्र बसु थाखुलिगोनां फरायसालि
- साहाबागानजौ सामलायजानाय फरायसालि

**फरायसानि अनजिमा : 13,32,811**

थाखो सेनिफ्राय थाखो गुसिम

**बायजोआरि सुमोनथाइगिरिनि अनजिमा : 6,122**

मन्थ्रि, एम.पि, एम.एल.ए, गाहाइ मावफु सोद्रोमा, मावफु सोद्रोमा, आइ.ए.एस, आइ.पि.एस, आइ.एफ.एस, ए.सि.एस, ए.पि.एस, ए.एफ.एस, आसाम सरखारनि ग्रेड-I आरो ग्रेड-II मावख'गोरा बायदि

**नैथि थोफोनि सुमोनथाइ**

9 निफ्राय 12 जानुवारि 2024 सिम

13 जिला

बागसा, बिस्वनाथ, सिरां, सराइदेव, धेमाजि, धुबुरि, गंलाघाट, हाइलाकान्दि, ज'रहाट, कामरुप(नोगोरमा), सनितपुर, तिनसुकीया आरो तामुलपुर जिला

जौनि फरायसा आरो फरायसालिफोरनि साबसिन दावगानाय हाबाफारियाव बाहागो ला आरो हेफाजाब खालाम